

দক্ষের দাবী

শ্রীশচিন্তনা সেনগুপ্ত

১৩৪১

রামেশ্বর এও কোং  
চন্দননগর

প্রকাশক :

শ্রীশশাক্তমোহন চৌধুরী  
বামেশ্বর এণ্ড কোং  
চন্দননগর

প্রথম সংস্করণ  
পোষ, ১৩৪১  
দাম এক টাকা

প্রিণ্টার :

শ্রীপ্রতাতচন্দ্র রায়  
শ্রীগোরাজ প্রেস  
৭১১, মির্জাপুর ষ্ট্রিট  
কলিকাতা

সাহিত্যের শর-সন্ধানী  
মনীষী  
আযুক্ত উপেক্ষনাথ বল্দ্যোপাধ্যায়

বঙ্গবন্ধু

**শচীন্দ্রনাথের অগ্নাশ্য নাটক**

ব্রহ্ম-কমল

গৈরিক পতাকা

বাড়ের রাতে

সতী-তীর্থ

অনন্তী

**সুরেশচন্দ্র চক্ৰবৰ্তীৰ গল্প**

নতুন কল্পকথা

ইরাণী উপকথা

ঐতিহাসিক

সাগরিকা

হই শ্রেণীর দেশ-সেবকের সহিত আমার  
পরিচয় আছে। এক : ষাহারা সত্য সত্যই  
দেশের জন্য সর্বস্ব ত্যাগ করিতে প্রস্তুত।  
আর দ্বিতীয় : ষাহারা স্বার্থের দিকে দৃষ্টি  
রাখিয়া বাণ্ডা উচাইয়া আগাইয়া ঘান,  
কিন্তু ফ্যাসাদ দেখিলেই ঠাণ্ডা হইয়া  
পড়েন। প্রথম শ্রেণীর দেশ-সেবকদের  
প্রতি আমার অঙ্কার অভাব নাই। ষাহারা  
দয়া করিয়া বইখানি পড়িবেন, তাহারাই  
তাহা বুঝিতে পারিবেন।

নাট্যাচার্য শ্রীযুক্ত শিশিরকুমার ভাছড়ী  
বইখানি পড়িয়া খুসী হইয়া অভিনবের  
আয়োজন করিয়াছেন। আমার অট্টি-  
বিচ্যুতি শোধনাইয়া লইয়া আমার বক্তব্য  
তিনি সরস করিয়া তুলিয়াছেন, আমি  
যে-চিত্র আকিতে চাহিয়াছিলাম, রং দিয়া  
ক্রপ দিয়া তিনি তাহা মনোরম করিয়া  
তুলিয়াছেন। তাহারই পরামর্শে আমি  
'চপল, চঞ্চল, চটুল' অবরোধের পরিবর্তন  
দেখাইয়াছি। আমার মনে হয় তাহাতে  
তাঙ্কণ্যের মর্যাদা বাঢ়িয়াছে। তাহার

কাহে আমার এই খণ্ডের পরিষ্কার বড়  
কম নয়।

নব-নাট্যমন্দিরের সম্পাদক শ্রীযুক্ত  
সনৎকুমার মুখোপাধ্যায়ের আগ্রহাতিশয়ে  
নাটকধানি এত শীঘ্ৰ মক্ষ হইয়াছে।  
তাহারও নিকট খণ্ড রহিলাম।

নব-নাট্যমন্দিরের খ্যাতনামা অভিনেতা  
শ্রীযুক্ত শাস্ত্রশীল গোষ্ঠীমী সাঁওতালী বাংলা  
এবং সাঁওতালী গানের ভাষা দিয়া  
আমাকে সাহায্য করিয়াছেন। সাঁওতালীর  
হিন্দুস্থানীদের সহিত দীর্ঘকাল একজ কাজ  
করিবার পর বাঙালীকে বুঝাইবার জন্য যে  
ভাষায় কথা বলিতে পারে বলিয়া মনে  
হইয়াছে, তাহাই ব্যবহার করা হইয়াছে।  
হয়ত উহা সাঁওতালী হইয়াছে, হয়ত  
হয় নাই। কিন্ত এই নাটকের পক্ষে উহা  
অশোভন হয় নাই। নাচটিও শাস্ত্রশীল  
বাবুর পরিকল্পনা।

নব-নাট্যমন্দিরের শিল্পীরা তাহাদের  
আভরিকতা দ্বারা অভিনবকে সর্বাঙ্গ-সুন্দর  
করিয়াছেন। তাহাদের অয় হোক।  
ইতি—

শচীজ্ঞনাথ সেনগুপ্ত

নাট্যাচার্য শিশিরকুমার ভাদ্রভূই

প্রোজেক্ট

নব-নাট্যমন্দিরে ২৪শে নভেম্বর, ১৯৩৪

সর্বপ্রথম অভিনয়

সংগঠন-সহায়ক

শিক্ষক—শ্রীশিশিরকুমার ভাদ্রভূই

সম্পাদক—শ্রীসনৎকুমার মুখোপাধ্যায়

অধ্যক্ষ—শ্রীহষীকেশ ভাদ্রভূই

মঞ্চ-শিল্পী—শ্রীপ্রতাত্তকুমার চট্টোপাধ্যায় ( বামলবাবু )

মঞ্চাধ্যক্ষ—শ্রীবজেন্দ্রনাথ মুখোপাধ্যায়

সহ: অধ্যক্ষ—শ্রীভূতনাথ দাস

ঘর্ষী—শ্রীবসন্তকুমার মুখোপাধ্যায়

শ্রীনন্দিগোপাল মুখোপাধ্যায়

শ্রীবিজ্ঞবিহারী ঘোষ

আলোক-শিল্পী—শ্রীজানেন্দ্রনাথ চট্টোপাধ্যায়

স্মারক—শ্রীজিতেন্দ্রনাথ বৃক্ষ

## প্রথম রঞ্জনীর অভিনেতৃগণ

মহিম—কুমার কনকনারায়ণ

অমরেশ—শ্রীস্বৰোধ মজুমদার

প্রফুল্ল—শ্রীশিলেন চৌধুরী

বনমালী—শ্রীপঞ্চানন বন্দ্যোপাধ্যায়

নীলকৃষ্ণ—শ্রীস্বৰোধ ঘোষ

নিশানাথ—শ্রীবিশ্বনাথ ভাতুড়ী

দয়াল—শ্রীশিশিরকুমার ভাতুড়ী

মধু মালী—শ্রীযোগেন্দ্রনাথ গুপ্ত

হজাতা—শ্রীমতী কঙ্কা

নন্দিনী—শ্রীমতী প্রভা

সাঁওতাল শুবক—শ্রীজীবনকৃষ্ণ গুহ্ণ

সাঁওতাল সর্দার—শ্রীশীতল পাল

হরিজন শুবক—শ্রীসত্যেন গোস্বামী

২য় সাঁওতাল শুবক—শ্রীভবানী ভট্টাচার্য





## দণ্ডের দাবী

সিংহভূম জেলার কোন এক পঞ্জীতে একবালে বস্তু-বাবুরা  
বড় জমিদার ছিলেন। এখন বাবুরা সবাই বিদেশে থাকেন।  
জমিদারির আয়ও অনেক কমিয়া গিয়াছে। ভালো দুর  
পাইলে জমিদারিটি ঠাহারা বেচিয়া ফেলিতেও প্রস্তুত। একাণ  
বাড়ীটি খালি পড়িয়াই থাকে। পূজার ছুটিতে শহর হইতে  
কয়েকজন বাবু আসিয়া এই বাড়ীতে বাসা বাঁধিয়াছেন।  
ছুটির অলস দিনগুলি বিলাসে কাটাইয়া দিবার বাসনা  
লইয়া নম—দেশের এবং দশেরও সেবার মহৎ উদ্দেশ্য  
লইয়া। সঙ্গে চাকর আসিয়াছে, বামুন আসিয়াছে; ছোত  
আসিয়াছে, চায়ের সরঞ্জাম আসিয়াছে; টাইপ-রাইটার  
আসিয়াছে, আপিস ষ্টেশনারি আসিয়াছে। আর আসিয়াছে  
একাণ একটা দামী ক্যামেরা।

কয়লার খনিতে কাজ করিতে গিয়া বস্তু-বাবুদের একদল  
সাঁওতাল প্রজার সহিত একদল হরিজনের ঘনিষ্ঠতা স্থাপিত  
হয়। মালিকদের সহিত গোলযোগ হওয়ার উহারা সকলেই  
খনির কাজ ছাড়িয়া দেয়। এবং গৃহহারা হরিজনরা  
বস্তু-বাবুদের জমিদারিতে আসিয়া বসবাস করিতে থাকে।

सौभाग्यल सर्दारेव गुणे मुक्त हइवा हरिजनराओ ताहाके  
नेताऱ्ह नेतो मान्य करेव। बाबूरा आसिराहेन इहादेवहै  
हरवहा दूर करिते।

बहु-बाबूदेव बैठकथानाटिके इहारा आपिसे परिवर्तित  
करियाहेन। एकांश एकटा टेबिलेर गाये पेष्टबोर्ड  
अंटिया ताहाते बड बड हमफे लेखा हइवाहे—  
**OFFICER COMMANDING.** नेता अकुल सेहाने  
वसेन। मकःस्त्रल कोटे ओकालति करिया वेश छ'पर्सा  
तिनि बोजगार करेन। तार आसनेर डान दिके आर  
एकथाना टेबिले लेखा आहे PUBLICITY, खाता-पत्र  
फाईल प्रभुति स्त्रीकृत। महिम एहिथाने काज करेन।  
तिनिओ उकिल। इहारहै पाशे आर एकथाना टेबिले लेखा  
आहे FOLK LITERATURE, कवि निशानाथेर आसन  
सेहाने। O. C.र आसनेर बाम दिके एकथाना टेबिले  
FINANCE लेखा आहे। टेबिलेर उपर आहे एकटा  
क्यास-बाल्क। जमिदार दयाल एहिथाने वसेन। दलेर  
व्याप्तार तिनिहि बहन करेन। तार वी दिकेर टेबिले  
टाइप-राइटार रहियाहे एवं लेखा आहे TYPIST. आइन-  
पडुमा अमरेश एहि काज करेव।

बहु-बाबूदेव बैठकथाना; चूतरां शुद्धासनेर अভाव  
नाहि। अवसरकाले कर्मीरा सेह-सव आसने बसिया गळ  
करेन। घर हड्डेहै दूरेर बनानी एवं पाहाड़शेणी देखा  
वार।

যবনিকা যখন উঠিল, তখন দেখা গেল মহিম খসু খসু  
করিয়া কি যেন লিখিতেছে এবং অমরেশ টাইপ করিতেছে।  
সুর্য অস্তগামী। দূরে মাঝে মাঝে মাদল বাজিতেছে।

মহিম

ওটা তোমার হোলো অমরেশ ?

[ অমরেশ কাজ না ধামাইবাই জবাব দিল।

অমরেশ

এখনি হবে মহিমদা।

[ অমরেশের টাইপ-বাইটাৰ আৱ মহিমেৰ ফাউচেন  
পেন সমানে চলিতে লাগিল।

মহিম

ভাবচি মেইল না ফেইল করি !

অমরেশ

সেই ত ইষ্টিশানে যেতেই হবে।

মহিম

আমি ত শেব করে ফেলুম।

[ মহিম কলমটা দাখিয়া লেখা কাগজখানি চোখেৰ  
সামনে ধরিয়া পড়িতে লাগিল।

অমরেশ

আমিও।

[ টাইপ শেব করিয়া কাগজখানি খুলিয়া তাহ।  
দেখিতে দেখিতে মহিমেৰ কাছে গেল।

মহিমদা !

মহিম

হয়েচে ?

অমরেশ

ইঠা, দেখুন ।

[ মহিমের হাতে কাগজ দিল । দূরে মাদল বাজিয়া  
উঠিল । মহিম বিস্তি প্রকাশ করিয়া কঠিল ।

মহিম

ওই মাদলের শব্দ !

অমরেশ

মন্দ কি মহিমদা, মনে বেশ একটা ভাব এনে দেয় ।

[ মহিম কাগজটা দেখিতে দেখিতে বলিল ।

মহিম

তাদের জন্তে এই খেটে মরচি আৱ ওৱা নিচিস্তে  
আমোদ কৱচে । চুলোয় যাক । তুমি ভাই, একটু  
হাত চালিয়ে এটা টাইপ কৱে দাও । এ-পিতে যাবে ।

অমরেশ

এসোসিয়েটেড প্রেস কি ছাপবে মহিমদা ?

মহিম

তাদের জন্তে ভিন্ন ধৰণের রিপোর্ট দিলুম । যাও  
ভাই, যাও ।

[ কাগজখানা দেখিতে দেখিতে অমরেশ আবার  
টাইপ-রাইটারের সামনে বসিল ।

অমরেশ

মার্টেলাস্ মহিমদা !

মহিম

কেমন মুসীয়ানা দেখচ ?

[ অমরেশ টাইপ-রাইটারে কাগজ পৰাইতে পৰাইতে  
বলিল ।

অমরেশ

আপনি একজন উচুদরের সম্পাদক হতে পারতেন ।

মহিম

পারতুম, কিন্তু হইনি । কেন, জান ?

অমরেশ

কেন ?

মহিম

সম্পাদকের চেয়ে উকিল বড় বলে ।

[ অমরেশ টাইপ করিতে আরম্ভ করিল, মহিম  
অমরেশের দেওয়া কাগজখানি লম্বা থামে  
পূরিতে পূরিতে জিজ্ঞাসা করিল ।

কিসে বড় জানতে চাইলে না ?

অমরেশ

[ কাজ করিতে করিতে জবাব দিল ।

আপনিই বলুন ।

মহিম

মফঃস্বলে শুকালতি করে আমরা রিপোর্টার হতে

পারি। এবং আমরা নেতাও হতে পারি। রিপোর্ট  
ষা পাঠাব, কাগজের সম্পাদককে তা ছাপতেই হবে,  
নহলে অস্ত একটা জেলার ঠার কাগজ চলবে না।  
তারপর...

[ অমরেশের দিকে চাহিয়া  
তুমি শুনচ না !

অমরেশ  
শুনচি. মহিমদা। কিন্তু মেইল্ ধাতে না ফেইল্ হয়,  
তাও ত দেখতে হবে।

মহিম  
তুমি আমাকে ঠাট্টা করচ !

অমরেশ  
না মহিমদা।

মহিম  
তুমি আমাকে ভেঙচে কথা কইচ।

অমরেশ  
না মহিমদা।

মহিম  
তাহলে শোন আমার কথা।

[ অমরেশ টাইপ-রাইটার হইতে হাত তুলিয়া লইয়া  
মহিমের দিকে ঝুঁঝিয়া বসিয়া কইল।

অমরেশ

বেশ, বলুন। কিন্তু মেইল ষদি ফেইল করি...

মহিম

আবার ঠাট্টা !

অমরেশ

না মহিমদা, অঙ্গরি কাজ, তাই মনে করিয়ে  
দিচ্ছিলুম।

মহিম

কাজও কর, কথাও শোন।

[ অমরেশ টাইপ করিতে আবস্থ করিল।

ওকালতী করলে নেতা হওয়া যায়। আর নেতা  
হলে কাগজের সম্পাদকদের দিয়ে যা খুসী তাই লেখানো  
যায়। তারা লিখতে না চাইলে কলকাতার বড় নেতারা  
চঢ়ে যাবেন, কাগজের রসদ দেবেন বক্ষ করে ! শুনচ ?

অমরেশ

[ টাইপ করিতে করিতে

হঁ।

মহিম

আরো বিশদ করে বুঝিয়ে দিতে হবে ?

অমরেশ

হঁ।

মহিম

.এত ডাল তুমি !

অমরেশ

হঁ ! হঁ ! হঁ !

[ টাইপ-বাইটারের চাবিতে শেষ আঘাত দিয়া  
অমরেশ মহিমের দিকে ঘুরিয়া বসিল ।

ইয়া, এইবার বলুন, কি বলছিলেন ?

মহিম

তুমি এতক্ষণ কিছুই শোননি !

অমরেশ

এই যন্ত্র-দানবের শব্দ, মহিমদা ।

[ টাইপ-বাইটারের কাগজ খুলিতে লাগিল ।

মহিম

বাইরের শব্দ এখনো তোমার অস্তরের নিবিষ্ট ভাব  
নষ্ট করে ?

[ অমরেশ কাগজখানি লইয়া উঠিয়া মহিমের দিকে  
যাইতে যাইতে কহিল ।

অমরেশ

আপনারও করে মহিমদা ?

মহিম

কখনো না ।

অমরেশ

ওই মাদলের শব্দ ?

মহিম

তুমি বড় চপল, চঞ্চল, চটুল। তোমাকে দিয়ে শুক  
দায়িত্বের কোন কাজই হবে না।

অমরেশ

কিন্তু টাইপ করতে আমি ভুল করি না। দেখুন।

[ অমরেশ কাগজখানি মহিমের হাতে দিল। মহিম  
তাহা দেখিতে দেখিতে কহিল।

মহিম

তা কর না, দেখচি !

[ প্রফুল্ল পর্দা টেলিয়া প্রবেশ করিল। বড় ব্যস্ত সে,  
হাতে একখানি টেলিগ্রাম।

প্রফুল্ল

মহিম !

মহিম

কি ভাই ?

প্রফুল্ল

এই যে অমরেশও রয়েচ। ওরা কোথায় ? দয়ালদা ?  
নিশানাথ ?

মহিম

কি হয়েচে প্রফুল্ল ? দেখি কি টেলিগ্রাম ?

প্রফুল্ল

দেখো এখন। ওরে বনমালী ! নৌলকণ্ঠ !

অমরেশ

আমাদের কি এখনি চলে যেতে হবে প্রফুল্লদা ?

মহিম

কেন, ফৌজ পাঠিয়েছে নাকি ? রিপোর্ট-টা তাহলে  
লিখে ফেলতে হয় !

[ টেবিলে বসিয়া কাগজ টানিয়া লইল । বনমালী  
প্রবেশ করিল ।

প্রফুল্ল

বনমালী ! ছুটে যা । দ্বার্থ দয়াল বাবু কোথায় !

[ বনমালী চলিয়া গেল ।

অমরেশ

নীলকণ্ঠকে ডাকব প্রফুল্লদা ? নীলকণ্ঠ ! নীলকণ্ঠ !

মহিম

কোন্ রেজিমেন্ট প্রফুল্ল ?

[ নীলকণ্ঠ প্রবেশ করিল ]

প্রফুল্ল

এই যে নীলকণ্ঠ ! শীগৃহীর দয়ালবাবুকে ডেকে  
আন ।

অমরেশ

দয়ালবাবুকে নয়, নিশাবাবুকে ।

প্রফুল্ল

না, না, দয়ালবাবুকে ।

অমরেশ

দয়ালদাকে ডাকতে বনমালী গেছে প্রফুল্ল।

প্রফুল্ল

আ-হা-হা বলচি দয়ালদাকে ডাকবে নৌলকঠ আৱ  
নিশানাথকে বনমালী।...ডিসিপ্লিন...বুৰালে অমরেশ,  
কাজের একটা ডিসিপ্লিন থাকা চাই।

মহিম

ই, প্রফুল্ল ওই রেজিমেণ্টের খবরটা...

বলচি ভাই, সবুর করো। নৌলকঠ যাও, দয়ালবাবুকে  
ডেকে আন।

[ গন্তীৱ ভাবে বসিবা টেলিগ্রামখানি দেখিতে লাগিল।  
নৌলকঠ দৱজা অবধি গিয়াছিল। অমরেশ  
তাহাকে ফিরাইল।

অমরেশ

. নৌলকঠ, শোন ! রাস্তায় যদি দয়ালবাবুকে দেখতে  
পাও আৱ যদি শোন যে, বনমালী তাকে খবর দিয়েচে,  
তাহলে তাকে ফিরে যেতে বোলো। তিনি ফিরে  
গেলে, তুমি তার কাছে যাবে আৱ খবর দেবে। বুৰালে !

[ নৌলকঠ আবাৰ অগ্রসৱ হইল। অমরেশ তাহাকে  
আবাৰ ফিরাইল।

আৱ শোন

[ নীলকণ্ঠ ফিরিয়া আসিল ]

পথে ষদি নিশাবাবুকে দেখতে পাও, তাহলে বোলো  
বনমালী তাকে খবর দেবে; স্মতরাঃ বনমালী কোথায়  
তাই তিনি খুঁজে দেখুন।

[ নীলকণ্ঠ চলিয়া গেল।

মহিম

অমরেশ, তুমি বড় চপল, চঞ্চল, চঁচুল।

অমরেশ

না মহিমদা, ডিসিপ্লিন—কাজের একটা ডিসিপ্লিন  
থাকা চাই?

মহিম

এইবার বল প্রফুল্ল নায়ক কে?

প্রফুল্ল

নায়কের নামেলেখ নেই। এই যে নিশানাথ  
আসচে।

[ নিশানাথ প্রবেশ করিল ]

অমরেশ

বনমালীর সঙ্গে আপনার দেখা হয়েছিল নিশাদা?

নিশানাথ

বনমালী! বংশীধারী! না, তার সঙ্গে ত আমার  
দেখা হয়নি। কিন্তু, ইংসা, ইংসা, একবার যেন হয়েছিল;  
স্মরণাত্মীত কোন্ কালে, কালিন্দীর কূলে, কদম্বের মূলে...

মহিম

প্রফুল্ল, নিশানাথকে খবরটা দাও ।

প্রফুল্ল

এই যে দয়ালদাও এসেচে । এস দয়ালদা, এস  
মহিম, অমরেশ এস, নিশানাথ এস ।

[ সকলে প্রফুল্লকে ঘিরিয়া বসিল ।

এই মাত্র তার পেলুম, তাঁরা রওনা হয়েচেন ।

দয়াল

কারা প্রফুল্ল ?

মহিম

মি-লি-টা-রী !

অমরেশ

গোবিন্দ বল দয়ালদা, গোবিন্দ বল ।

মহিম

অমরেশ বড় চপল, চঞ্চল, চটুল !

নিশানাথ ( শুরে )

তাহার চপল চটুল চাহনি.....

প্রফুল্ল

হোপ্লেস ! তোমাদের যা খুসী তাই কর, আমি  
একাই চলুম ইষ্টিশানে ।

[ প্রফুল্ল উঠিয়া দাঢ়াইল । মহিমও সঙ্গে সঙ্গে  
লাকাইয়া উঠিল ।

মহিম

দলপতি হয়ে দলত্যাগ করে যাবে ! মিলিটারীর  
মুখে আমাদের ফেলে রেখে, নিজে পালিয়ে প্রাণ বাঁচাবে ?

প্রফুল্ল

মিলিটারী ! কোথায় ?

মহিম

ওই যে তোমার টেলিগ্রাম ।

প্রফুল্ল

কে বল্লে তোমাকে ?

মহিম

তোমার উভেজনা দেখেই ত মনে হয়েছিল সৈন্যে  
আসচে ।

প্রফুল্ল

কী সাফ, তোমার মাথা । এখন শোন, টেলিগ্রাম  
এসেচে কলকাতা থেকে । বাণী দেবী জানাচ্ছেন,  
এখানে কাজ করবার অন্তে ছটি তরুণী আসচেন ।  
তারা এই ট্রেণেই এসে পড়বেন । আমাদের এখুনি  
কর্তব্য হিস করতে হবে ।

[ দয়াল উঠিয়া জানালার কাছে গিয়া দাঢ়াইল ।

উঠলে যে দয়ালদা !

দয়াল

মহিলারা ভাই, আমাকে তেমন পছন্দ করেন না ;

তাই তাদের সবকে কোন কথাতেও আমি থাকতে  
চাইনে ।

প্রফুল্ল

কী সেটিমেণ্টোল তুমি দয়ালদা ! তোমার যতামতের  
প্রয়োজন এইজগে যে, তারা এইখানেই থাকতে চান—  
এই বাড়ীতেই ।

অমরেশ

কোন ঘরে প্রফুল্লদা ?

মহিম

অমরেশ বড় চপল, চঞ্চল, চটুল !

নিশানাথ

সেইজগাহ ত ওরই মনে সবার আগে ওই প্রশ্নের  
উদ্ধৃ হয় !

প্রফুল্ল

তোমরা ভাই, এক এক করে আমার প্রশ্নের  
জবাব দাও । দয়ালদা আগে বল, তোমার কোন  
আপত্তি আছে ?

দয়াল

না ।

প্রফুল্ল

ব্যস ! মহিম ?

## মহিম

ঁ তারা এসে চরখা নিয়ে বসবেন, তিনি দিক ধিরে  
দাঢ়িয়ে থাকবে হরিজনকুলকামিনীরা, কাগজে কাগজে  
সেই ছবি বার হবে, খুব ভালো পাবলিসিটি হবে।  
স্বতরাং আমার মত তারা আশুন, ষতদিন ইচ্ছে  
এখানে থেকে আমাদের আনন্দ-বর্কন করুন, যেমন  
করে ইচ্ছে দেশের সেবা করুন !

## অমরেশ

আমি বলি...

## প্রফুল্ল

অমরেশ, তোমাকেও বলবার স্বয়েগ দেওয়া হবে।  
আগে নিশানাথের মতটা নেওয়া যাক। নিশানাথ ?

## নিশানাথ

সন্দয়-মন্দিরে ধাদের সিংহাসন অটল, তারা যদি  
তুচ্ছ এই কর্ম-মন্দিরে আবিভূতা হয়ে আনন্দ পান,  
আশুন তারা। সে আনন্দ থেকে আমি তাদের বঞ্চিত  
করতে চাইনা।

## প্রফুল্ল

বেশ আমরা সবাই একমত।

## অমরেশ

আমার মতটা প্রফুল্লদা ? আপনাদের এই  
ডেমোক্র্যাটিক কলোনির আমিও একজন সদস্য।

প্রকৃত

ইা, ইা, বল ; তোমার মত্তাও বল । মাইনরটির  
মতও বিবেচ্য ।

অমরেশ

আমার মতে ওঁদের এখানে না আসতে দেওয়াই  
ভালো ।

প্রকৃত

কেন ?

মহিম

অমরেশ বড় চপল, চঞ্চল, চঁচুল !

অমরেশ

না মহিমদা, আপনারা বুবাতে পারচেন না । ওঁরা  
এখানে এলে আমাদের কদর কর্মে ধাবে । আমরা যে  
এখানে সত্ত্বাই কিছু করচিনে, সেইটেই তঙ্গীমহলে  
জানাজানি হয়ে পড়বে । তাতে আপনাদের না থাকতে  
পারে কিন্তু আমার এবং হয়ত দয়ালদারও ষথেষ্ট ক্ষতির  
সম্ভাবনা আছে । কি বল, দয়ালদা ?

দয়াল

ও-সব কথায় আমি নেই । কেননা যে-বয়েসে তঙ্গীর  
তহু আৱ মন পাবাৰ ধ্যান কৱতে হয়, সে-বয়েস আমি  
অনেক, অনেক পেছনে ফেলে এসেচি ।

### অমরেশ

দেশুন প্রকৃতি, হিরোয়োপের মহাবুদ্ধের ইতিহাস  
আমি বিশেষ মন দিয়ে পড়িচি। তাতে দেখিচি, শ্রেষ্ঠ  
তরুণীদের চোখে হিরো হবার অঙ্গে কত তরুণ সময়ে  
ঝাপিয়ে পড়েচে। আমাদের এই নন্দভায়োলেন্ট সংগ্রামের  
হিরোইজম্ হচ্ছে এই হরিজন-সেবা। এতে আমরা ধারা  
আত্মনিয়োগ করি, তাদের ঘাঁথে ছ'চারজন এমনও  
থাকা অসম্ভব নয়, ধারা একেই মূলধন করে প্রেমের হাটে  
কেনা-বেচা করে কিছু লাভ করবার আশাও রাখি?  
এমন অবস্থায় তরুণীরা ধনি এখানে এসে দেখে ধান,  
আমাদের সবই ফকিরাবী—তাহলে...

### প্রফুল্ল

তুমি ধাম অমরেশ। তোমার এই উষ্টুট মনোভাব  
বিচারযোগ্য নয়।

### মহিম

অমরেশ বড় চপল, চঞ্চল, চট্টল ! ওর সঙ্গে তর্ক  
করা বুথা ! ভোটে দাও।

[ দূরে মাদল বাজিয়া উঠিল।

আঃ ! ওই মাদলই আমায় পাগল করলে !

### প্রফুল্ল

ভাই সব, আমাদের এই কর্তৃকেন্দ্রে তরুণীদের

আবিষ্ঠাৰ ধাৰা আতিৰ মুক্তিৰ ইতিহাসে এক নতুন  
অধ্যায়-সংঘোগ বলে স্বীকাৰ কৰ, তাৰা হাত  
তোল।

[ প্ৰফুল্ল, মহিম, দম্ভাল, নিশানাথ হাত চুলিল।

এক, দুই, তিন, চাৰ। ফোৱ-টু-ওয়ান। অমৱেশ,  
ছঃখেৱ সঙ্গে বলতে হচ্ছে, তুমি হেৱে গেলে। হিৱ  
হোলো, তক্ষণীদেৱ আমৱা সাদৱ অভ্যৰ্থনা কৰব।

অমৱেশ

আপনাদেৱ এই সভা আন্কনষ্টিউশনাল; স্বতন্ত্ৰ  
এৱ সিদ্ধান্তও আল্ট্ৰা-ভাইরিস, গ্ৰহণেৱ অংশোগ্য!

মহিম

তুমি অমৱেশ, তুমি এই কথা বলচ! প্ৰফুল্ল রঘোচে,  
আমি রঘোচি, আমৱা উকিল, আমৱা আইন জানিনে!

[ দূৰে আবাৰ মাদল বাজিল

আঃ! আবাৰ ওই মাদল! তুমি এতদিনেও  
ওদেৱ ওই মদ আৱ মাদল বক্ষ কৱতে পাৱলে না,  
প্ৰফুল্ল!

নিশানাথ

মাহুষ ষে-দিন মদ আৱ মাদল বক্ষ কৱবে মহিম,  
সে-দিন কুলে আৱ সৌৱভ থাকবে না, বধূৱ অধৱে মধু  
থাকবে না, আকাশেৱ গায়ে রামধনুৱ সাত-ৱঙ্গা দীপালী  
দেখা দেবে না।

মহিম

এই কর্মকেন্দ্রে বসে তুমি এই কথা বলচ ?

নিশানাথ

ওই মদ আৱ মাদল আছে বলেই ত এটা আজ  
কর্মকেন্দ্র হয়েচে। বশ-বাবুদেৱ এই এত বড় বাড়ীটাও  
গড়ে উঠেচে ওই মদ আৱ মাদলেৱ দৌলতে। নইলে  
এখানে হয়ত মন্দিৱ হোত, মসজিদ হোত, গীজে  
হোত, বৌদ্ধদেৱ বিহাৱ হোত অথবা হোত বৈষ্ণব-  
বাবাজীদেৱ আখড়া। আদৰ্শেৱ উভেজনায় আসল  
কথাটা ভুলো না, মহিম।

প্ৰফুল্ল

টু-দি-পয়েণ্ট নিশানাথ, টু-দি-পয়েণ্ট মহিম ! অমৱেশ  
আমাদেৱ সিদ্ধান্ত আলট্টা-ভাইরিস্ কেন বলে তাই  
বুঝিয়ে দিক ।

অমৱেশ

বুঝিয়ে দিচ্ছি প্ৰফুল্লদা। প্ৰথমত এই সভায় বনমালী  
উপস্থিত নেই, নীলকণ্ঠ উপস্থিত নেই, মধু মালী  
উপস্থিত নেই আৱ সৰ্বোপৰি উপস্থিত নেই সেই  
হরিজনকূলকামিনী স্বৰ্থিয়া, সেবা দিয়ে বে আমাদেৱ  
এই কর্মকেন্দ্রকে অসহ দুর্গত থেকে মুক্ত রেখেচে।

মহিম

তাদেৱও যত নিয়ে কাজ কৱতে হবে না-কি ?

অমরেশ

নেওয়া ত উচিত। যেহেতু তারাও এই ডেমো-  
ক্যাটিক কলোনির সদস্য।

থিয়োরীর দিক দিয়ে তোমার কথা মিথ্যে নয় ; কিন্তু  
প্র্যাকৃটিকালী এখানে তাদের উপস্থিতির প্রয়োজন ?

অমরেশ

প্রয়োজন আছে প্রফুল্লদা। ওই তরুণীদের আবির্ভাব  
আপনাদের যতটা আনন্দ দেবে, বনমালীর, নীলকণ্ঠের,  
মধু মালীর আর স্বর্ণিয়া সুন্দরীর অবসরের আনন্দ ততই  
কমিয়ে দেবে, তাদের শ্রমও দেবে বাড়িয়ে।

মহিম

আরো বিশদ করে বলো, অমরেশ।

অমরেশ

আপনি ত আমার মতো ডাল্ নন, মহিমদা।

মহিম

স্পষ্ট করে বল অমরেশ ! কিন্তু সংক্ষেপে—

[ হাত ঘড়ি দেখিয়া

ট্রেণের সময় ঘনিয়ে আসচে।

অমরেশ

প্রথমত ধৰন, বনমালী। এগারো আর এগারো  
করে ছুজনা তরুণীর ঠাস-বুনোনি বাইশ হাত জেহাইন্

খক্করের শাঢ়ী জলে ভিজলে, ওজন কত নাড়াবে  
একবার হিসেব করে দেখুন। তার সঙ্গে যোগ করুন  
ব্লাউজ, সেমিজ এবং আরো কিছু, যার নামোঁজেখ  
আন্পার্লামেণ্টারী এবং আপনাদের বিচারে অপ্রীলও  
হতে পারে। কিন্তু তারও ওজন আছে। এখন,  
বিবেচনা করুন, বাচ্চা ওই বনমালীকে দিনে ছবেলা  
করে না হলেও অস্তত একবেলা সেগুলো কাচতে  
হবে, নিংড়োতে হবে, রোদে দিতে হবে। হয়ত  
তার হাত ফুলে একেবারে কলাগাছ হয়ে উঠবে,  
আমাদের চা দিতে পারবে না, জুতো সাফ্ করতে  
পারবে না, এমন-কি মহিমদার পা পর্যন্ত টিপে  
দিতে পারবে না।

### নিশানাথ

আভো, অমরেশ !

সময় বেশি নেই, অমরেশ। তুমি বল।

অমরেশ

ব্রাহ্মা তালো হয় না বলে আমরা যতই গাল-মন্দ  
দিই, নীলকঢ় নির্বিবাদে তার সবটুকু বিষ কঢ়েই  
রেখে দেয় ; তা দিয়ে তার মনকে বিষাক্ত করে  
তোলে না। কেননা সে জানে, গাল তাকে যতই  
দিই, ছবেলা যা সে পরিবেশন করবে তা আমাদের

গিলতেই হবে ; চাকুরি তার যাবেনা । কিন্তু তঙ্গীরা  
এলে বিপর্যয় ঘটবে । তাদের বকুনির বিষ নৌলকঠের  
কঠ অবধি পৌছেই ছির হয়ে থাকবে না ; তার  
আত্মাভিমান, তার চাকুরি হারাবার ডয় সেই বিষের  
ক্রিয়ায় উদ্বেল হয়ে উঠবে । ফলে রাজ্ঞাঘরে বিপ্লব দেখা  
দেবে এবং আমাদের এই কর্তৃকেজ্জও ।

### প্রফুল্ল

#### কর্তৃকেজ্জে কেন ?

#### অমরেশ

নৌলকঠ হরতাল করবে, ফলে আমাদের গায়ের  
তেলও যাবে মরে, হরিজন-সেবার উৎসাহ-দীপও হবে  
নির্বাপিত । তাই দেখে সমাগতা সহচরীরা হাতা-বেঁজী  
আবুধ তুলে নেবেন । আমি ছুটে যাব, মহিমদা ছুটে  
যাবেন, হয়ত নিশাদাও এবং অবশেষে প্রফুল্লদা  
আপনি, হাঁ, আপনিও ছুটে যাবেন রাজ্ঞাঘরে । সকলে  
সমন্বয়ে আমরা বলব, ধোঁয়ায়-ধূসর এই রাজ্ঞাঘর  
নারীর সত্যিকারের স্থান নয়—তাদের সত্যিকারের  
স্থান পুরুষের পাশে, কন্তেসে, কন্কারেলে, সার্বজনীন  
মহোৎসবে ! কিন্তু ঝঁরাও মূক নন, মুখরা । স্বতরাং  
ঝঁরাও টাইম-ইমেমোরিয়ালের ট্রাডিশান টেনে আনবেন ;  
তিলে-তিলে সর্বস্ব ত্যাগ করে রঞ্জনশালার রাজস্বয়  
যজ্ঞে আত্মাহতি দিয়ে বে অধিকার অর্জনের পৌরবে

ওঁরা গৱীয়সী, তারই কাহিনী শনিয়ে আমাদের  
বলবেন—কৃধায় পুরুষকে থাস্য দেওয়াই নারীর ধর্ম।  
নিশাদা সায় দেবেন না, তিনি অবশ্যই শনিয়ে দেবেন,  
যে-দানে কুঠা নেই, সে-দানে মহিমা থাকলেও ঘাধুর্য  
থাকে না। কিন্তু আমি বলচি প্রফুল্লদা, তাতেও ওঁরা  
স্বধর্ম ত্যাগ করবেন না। ওঁরাও বলবেন, কুঠা  
অবগুণ্ঠিতাদেরই আযুধ, পুরুষের কাঁধে কাঁধ লাগিয়ে  
কর্মক্ষেত্রে দীরা অবতীর্ণ হন, তাদের নয়। এম্বি করে  
যে দুন্দু দেখা দেবে, তারই ফলে আসবে বিপ্লব।

### প্রফুল্ল

যুক্তি না থাকলেও উক্তি তোমার উপভোগ্য।

### অমরেশ

তারপর মধু মালীর বিপদের সন্তাবমাটা শুন।  
কোনদিন ফরমাস হবে মিনি-সূতোর মালা, কোনদিন  
বা ফুলের পাথায় কবিতার কলি রচনা। পারবে  
সে? কেউ বলবেন, কানে পরব কৃষ্ণচূড়ার মঞ্জুরী,  
কেউ শোনাবেন, কঢ়ে চাই আলোক-লতার সাত-নরী।  
পারবে ঘোগাতে? সে পারবে না—পালাবে। প্রকাণ্ড  
এই বাড়ীর প্রাঙ্গণ, উঞ্চান আগাছায় ভরে যাবে,  
শেঁয়াল আসবে, সাপ আসবে, শেষটায় একদিন বোম-  
বাবুরা বিরক্ত হয়ে বরকন্দাজ দিয়ে আমাদের বার  
করে দেবেন!

## মহিম

না, না, প্রকৃত ; অমরেশকে তুমি এ-ভাবে প্রশ়্ণ  
দিয়োনা । ও বড় চপল, চঞ্চল, চটুল ।

ভাই মহিম, ভুলোনা, এটা হচ্ছে ডেমোক্র্যাটিক  
কলোনি, যত ব্যক্ত করবার অধিকার সকল সন্দেশেরই  
আছে । তারপর অমরেশ, স্বধিয়ার যত নিতে হবে কেন ?

## অমরেশ

স্বধিয়ার সমস্কে ধিয়োরী আর প্র্যাকৃটিস দুই-ই স্বৃষ্টি ।  
স্বধিয়ার প্র্যাকৃটিকাল সার্ভিস যে অনেক বেড়ে যাবে  
তা আপনাদের অনুমানে বুঝে নিতে হবে, কেননা কথাটা  
বিশদ করে তোলা স্বরূচিসঙ্গত হবেনা । ধিয়োরীর  
দিক দিয়ে তার দাবী সর্বাগ্রে বিচার্য—যেহেতু সে  
হরিজনকুলকামিনী এবং যেহেতু সে মাইনরিটি,  
এফেক্টিভ এবং এসেপিয়াল মাইনরিটি । স্বতরাং  
বুঝতে পারচেন বনমালী, নৌকর্গু, মধু মালী আর  
স্বধিয়ার যত না নিয়ে এ-সমস্কে কোন সিদ্ধান্তে উপনীত  
হলে তা আন্ত-কন্ট্রিট্যুশনাল হবে এবং কন্ট্রিট্যুশনালি  
তাকে আল্ট্রা-ভাইরিস বলে প্রত্যাখ্যান করা চলবে ।

[ সকলেই কিছুকাল চুপ করিয়া রহিলেন ।

শোন মহিম, নিশানাথ শোন, দয়ালদা কথাটায়

তুমিও কান দাও। অমরেশ ম্যাট্রিউলেন একটা জটিল  
প্রশ্ন তুলেচে। তারও আলোচনা হওয়া দরকার।  
কিন্তু—

মহিম

কিন্তু উন্দের টেণের সময় ?

ই, তাই বলচি, কন্ট্রিশানের কথাটা এখন চাপা  
থাক, আর আধুনিক মাত্র সময় আছে।

দয়াল

তার আগে ত ইষ্টিশানে পৌছানো ষাবে না।

ডাউন মেইলে আমাদের রিপোর্ট পাঠাতে হবে  
দয়ালদা, এই সব তুমি বুঝে-ওনে নাও। পাঁচ  
দিনিকের জন্য ‘বিশেষ সংবাদস্মাতার পত্র’ পাঁচ রক  
ষাইলে লিখে দিয়েছি। আর এই ছটো এসোসিয়েটে  
আর ইউনাইটেড প্রেসে ষাবে।

[ মহিম চিঠি-পত্র দিল। দয়াল তাহা খামে পূর্বে

প্রফুল্ল

মহিম, তোমাকে ভাই এইখানেই থেকে সব বলোবত  
করতে হবে।

অমরেশ

সে ভার আমি নিছি প্রফুল্লদা। ভোটে হেরে

গেলেও আমি মেজরিটির অনুবন্ধীই থাকব। মহিমদা  
ইষ্টিশানেই থাবেন।

- ৭ -

বেশ, তাহলে মহিমও চল। নিশানাথ উঠে পড়  
তাই।

নিশানাথ

মাফ কর প্রফুল্ল। ইষ্টিশানের লোকের ভিড়ের  
মাঝে তঙ্গীদের সঙ্গে আলাপ করা। আমি সময়ের  
অপব্যবহার বলেই মনে করি—আরেকে আমি পেতে  
চাই, হাটের মাঝে নয়; তাকে বিকশিত হতে  
সাহায্য করে এমনই একটা আবেষ্টনীর মাঝে।

মহিম

তাহলে তোমরা দু'জনাই থাক।

প্রফুল্ল

এস দয়ালদা।

[ প্রফুল্ল, মহিম ও দয়াল বাহির হইয়া গেল।

অমরেশ

নিশাদা এখন কি করা যায় বলুন ত?

নিশানাথ

মধুকে ডাক।

অমরেশ

মধুকে!

নিশানাথ

ই, ই, মধুকে !

[ অমরেশ বাহির হইয়া গেল ।

বনমালী ! নৌলকঠ !

[ বনমালী প্রবেশ করিল ]

বনমালী

বাবু !

নিশানাথ

টেবিলের কাগজ-পত্রগুলো গুছিয়ে আসনগুলো  
ৰোড়ে-পুঁচে রাখ্ত বাবা ।

[ বনমালী কাজে লাগিয়া গেল । অমরেশ মধুকে  
লইয়া প্রবেশ করিল ।

অমরেশ

এই-যে মধু এসেচে নিশানা ।

নিশানাথ

মধু, আমের পল্লব, শিউলি ফুল এখনি চাই ।

[ মধু চলিয়া গেল ।

নৌলকঠ ! নৌলকঠ কোথায় ?

অমরেশ

এই নৌলকঠ ! নৌলকঠ !

[ নৌলকঠ প্রবেশ করিল ]

নৌলকঠ

বাবু !

নিশানাথ

চায়ের জল চাপিয়ে দাও—অনেক করে ।

[ নৌকৰ্ত্ত চলিয়া গেল ।

অমরেশ

আমি কি করি নিশাদা ? ভাবচি কোন্ ঘরটায়  
ওঁদের থাকতে দি ।

নিশানাথ

যেটার রং সবুজ বা গোলাপী ।

অমরেশ

আমার মনে হয় সেইটেই দেওয়া ভালো নিশাদা,  
যেটার কোনই রং নেই ।

নিশানাথ

ওঁদেরই মনের রং দিয়ে রঙিয়ে নেবেন, কেমন ?

অমরেশ

ঠিক বলেচেন নিশাদা, একেবারে আমার মনের কথা  
টেনে বার করেচেন । এইজন্তুই ত আপনাকে এত  
শ্রদ্ধা করি । এই বনমালী, চল্ আমার সঙ্গে ওপরে ।

[ যাইতে যাইতে ফিরিয়া দাঢ়াইল ।

ওঁদের সঙ্গে বিছানা ত থাকবেই নিশাদা ?

নিশানাথ

তবে কি তুমি বলতে চাও অপরের শষ্যা-সঙ্গী  
হবার জন্য ওঁরা এখানে আসচেন ?

### অমৰেশ

নিশাদা, তাহলে আমাদের ঘরটাই উঁদেয় দি । চল  
বনমালী, আমাদের বিছানা-পত্তর নাবিয়ে এনে নীচের  
একটা ঘরে রাখি । আমরা পুকুরী থাকব নীচে,  
নিশাদা, আর উরা উপরে ।

[ বনমালীকে লইয়া অমৰেশ ভিতলে চলিয়া গেল ।  
মধু আত্মপক্ষীর আর শিউলি ফুল লইয়া আসিল ।

### মধু

বাবু !

### নিশানাথ

এনেচ ! বেশ, দাও । এইবার কিছু ভালো ফুল  
নিয়ে এস, ভাসগুলোয় রাখতে হবে ।

[ মধু চলিয়া গেল । নিশানাথ ড্রাঘির খুলিয়া স্থতো  
বাহির করিয়া মালা গাঁথিতে বসিল ।

নীলকণ্ঠ ! নীলকণ্ঠ !

নীলকণ্ঠ ( ভিতর হইতে )

চাপ্পের জল চাপিয়েছি বাবু ।

নিশানাথ.

বেশ গরম রাখো ।

[ নিশানাথ মালা গাঁথিতে লাগিল আর গাহিতে  
লাগিল ।

ଆମରା ଏନେହି କାଶେରଇ ଗୁଛ,  
ଆମରା ଗେଥେହି ଶେଫାଲୀ ମାଳା,  
ନବୀନ ଧାନେର ମଞ୍ଜରୀ ଦିଯେ ସାଜିଯେ ଏନେହି ଡାଳା ।

[ ଅମରେଶ ଦୋରେର କାହେ ଦୀଢାଇୟା ହୋ ହୋ କରିଯା  
ହାସିଯା ଉଠିଲ ।

ଅମରେଶ

ନିଶାଦା, ଓ-ଗାନ ଗାଇବେନ ଓରା ଏସେ । ପୁରୁଷଦେର  
ଗାଇବାର ଜନ୍ମ ଓ-ଗାନ ନୟ ।

ନିଶାନାଥ

ଓ-ଗାନ ଯିନି ଲିଖେଚେନ, ତିନି ଏକଜନ ମହାପୁରୁଷ,  
ମନେ ରେଖେ ।

ଅମରେଶ

କିନ୍ତୁ ଲିଖେଚେନ ମେଯେରା ଗାଇବେ ବଲେ ।

ନିଶାନାଥ

ତୁଳ, ଭାଇ, ତୁଳ !

ଅମରେଶ

ସେ-କି ନିଶାଦା !

ନିଶାନାଥ

ଆମି ବୁଝିଯେ ଦିଛି । ତୁମି ବୋସ, ମାଲାଟା ଗେଥେ  
ଫେଲା ଯାକ ।

অমরেশ

আমি পাতার মালা করি

[ অমরেশ বসিল, পাতার মালা তৈরি করিতে লাগিল।  
এইবার বুঝিয়ে দিন, নিশাচাৰ।

নিশাচাৰ

গুৰু অমরেশ, প্রত্যেক নৱ-নারীৰ মাৰেই একটি  
কৱে নৱ আৱ একটি কৱে নারী বাস কৱে। এখন,  
সমাজে যেমন, তেমনি মনোৱাজ্যেও প্ৰতি পুৰুষ তাৱ  
ভিতৱ্বে এই নারী-সত্তাকে সৰ্বদা শাসন কৱে, দাবিয়ে  
ৱাখে। কিন্তু তবুও মাৰে মাৰে পুৰুষেৰ মনোৱাজ্যেৰ  
এই অধীশ্বৰী আপন প্ৰভাৱে পুৰুষকে প্ৰভাৱাপ্তি কৱে  
ফেলেন। আৱ তথনই পুৰুষ হয় মেয়ে-ভাবাপন্ন, তথনই  
কাৱ গলায় ঢুলিয়ে দেবে মালা, কাকে নেবে বৱণ কৱে,  
তাৱই সন্ধানে দিকে দিকে সে চেয়ে দেখে; তথনই  
তাৱ অস্তৱ থেকে এই আকৃতি বেৱিয়ে আসে—জীবন-  
মৱণে জনমে-জনমে প্ৰাণনাথ হয়ো তুমি !

অমরেশ

যদিও সে জানে, ষাকে সে চায়, সে নাথ নয়—  
অনাধা !

নিশাচাৰ

ঠিক তাই। ওতে লজ্জাও নেই অমরেশ, ক্ষোভেৱও  
কাৱণ নেই—কেননা পুৰুষেৰ অস্তৱেৰ ওই জাগ্রতা

নারী-সত্তা আবার বিমিয়ে পড়েন। তখন পুরুষ  
নিজের হাতের রচা মালা নিজেই ছিঁড়ে ফেলে,  
বরণ-ডালা ছুঁড়ে ফেলে দেয় !

অমরেশ

আচ্ছা নিশাদা, প্রতি নারীর মাঝে যে পুরুষ  
থাকে, সে কি করে ?

নিশানাথ

সে-ও এক-একবার তার পৌরুষ, তার প্রভূত  
প্রতিষ্ঠিত করে। তখনই নারী নর হতে চায় ;  
তখনই সে বব্ব করে, সিগারেট টানে, সাঁতার শেখে,  
হকি খেলে, আপিসে খোজে কাজ, সভায় খোজে শ্রোতা  
আর ইঁড়ি-বেড়ি ফেলে রেখে দেশের এবং দশেরও  
সেবায় আত্মনিয়োগ করে !

অমরেশ

তাহলে যারা আসছেন ?

নিশানাথ

স্বীকার করতেই হবে, তারা তাদের ভিতরের  
পুরুষ-সত্তার প্রভাবে প্রভাবাপ্তি !

অমরেশ

হায় ! নিশাদা, এ আপনি কী শোনালেন !

[ অমরেশ লাফাইয়া উঠিল । মধু ফুল লইয়া প্রবেশ  
করিল ।

কেলে দাও ওই ফুল, মধু। ছিঁড়ে কেলুন ওই  
মালা নিশাদা। সব নির্বক, সব মিথ্যা; মিথ্যা,  
মিথ্যা সব আয়োজন !

[ অমরেশ হই হাতে মাথা চাপিয়া ঘূরিয়া বেড়াইতে  
লাগিল ।

মধু

বাবু !

নিশানাথ

রেখে দাও ওইখানে ।

[ নিশানাথ কিছুক্ষণ দাঢ়াইয়া অমরেশকে দেখিল,  
তারপর কহিল ।

মধু, এই ফুল আর পাতা নিয়ে দু'ছড়া মালা  
করে এনে দাও ।

[ মধু তাহা লইয়া চলিয়া গেল । নিশানাথ অমরেশের  
কাছে গিয়া তাহাকে ধরিয়া কহিল ।

অমরেশ ভাই, কোথায় আঘাত পেলে ?

অমরেশ

অস্তরে, নিশাদা, অস্তরে ! পুরুষভাবাপন্ন মেঘে  
আমরা চাই না, পৌঙ্কবের অভাব আমাদের নেই !

নিশানাথ

তুমি ত অমরেশ মেঘেদের এখানে আসবার বিকলেই  
মত দিয়েছিলে ।

## অমরেশ

দিয়েছিলুম, নিশাদা ! কিন্তু আমার মতামতের  
অপেক্ষা না রেখে ষথন তাঁরা আসচেনই, তখন আমি  
বলব, তাঁরা আসুন—কিন্তু পুরুষের ধার-করা পৌরুষ  
নিয়ে নয়, তরুণীর তহু নিয়ে, মন নিয়ে, মাঝা নিয়ে,  
মোহ নিয়ে ।

[ অমরেশ বসিল, নিশানাথও পাশে ।

## নিশানাথ

তুমি হতাশ হয়েনা, অমরেশ । ওঁরা যতটা পৌরুষ  
নিয়েই আসুন না কেন, ওঁদেরকে জয় করতেই হবে ।

## অমরেশ

তাইত বলছিলুম নিশাদা, ফুল ফেলে দিন, মালা  
ফেলে দিন, মনের সকল কোমল ভাব বর্জন করুন,  
কুলিশ-কঠোর পৌরুষ নিয়ে তাঁদের অভ্যর্থনা করবার জগ্ন  
প্রস্তুত হন ।

## নিশানাথ

না, না, না অমরেশ ; তা করলে চলবে না ।  
পৌরুষের স্বাদ ওঁরা সবে পেয়েচেন, তাই পৌরুষের  
পরিচয় পেলে আরো উৎসাহিত, উদ্বীপিত হয়ে উঠবেন ।  
কাজেই পুরুষের পৌরুষ দিয়ে নয়, পুরুষের অস্তরে যে  
নারী-সত্তা নিদ্রিতা-প্রায় রয়েচেন, তাকে জাগিয়েই ওঁদের  
জয় করতে হবে । হাবে-ভাবে ভদ্রিমায়, চলনে-বলনে-

চাহনিতে ষতটা সন্তু কামিনীর কমনীয়তা আমাদের  
আঘাত করতে হবে ।

### অমরেশ

আপনি ভুল করচেন, নিশাদা । লাইক রিপেল্স লাইক ।

### নিশানাথ

জড়-বিজ্ঞানের ও-কথা মনোবিজ্ঞানে থাটে না ।  
মানুষ হাঙ্গার হলেও দলো জীব ; সে দল বাঁধে তারই  
লাইক খুঁজে নিয়ে । তাইত চোরের সঙ্গে চোরের  
মাস্তুতো ভাইয়ের সম্বন্ধ, ভাণ্ডর-ভাজুবধূর সম্বন্ধ নয় ।  
এখন ষে-কথা বলছিলুম, শোন । আমরা এখানে পাঁচজন  
পুরুষ আছি । আগে বলিছি, প্রতি পুরুষের অস্তরণাঙ্গে  
একজন করে নারী আছেন । এখন, সেই নারী-সন্তাকে  
এমন করে জাগাতে হবে, যার ফলে আমাদের ভিতরের  
পুরুষ মহাশয়রা মহাদেবের মতোই নেশায় মশ্শুল হয়ে  
চিং হয়ে পড়ে থাকেন, আর তার বুকে উঠে নৃত্য করেন  
শামা, আমাদেরই ভিতরের সেই নারী-সন্তা ! তাই করতে  
পারলেই আমাদের নবজাগ্রতা পঞ্চ নারী-সন্তা সহজেই  
প্রভাব বিস্তার করে ওঁদের দুজনার নিগৃহীতা নারী-  
সন্তাকে মুক্তি দিতে পারবে । আর তাহলে সকলেরই  
ভিতরের পুরুষ-সন্তা পঞ্চস্ত না পেলেও পক্ষাধ্বাতগ্রস্ত  
হয়ে পড়ে থাকবে ।

[ অমরেশ লাকাইয়া উঠিল ।

অমরেশ

আপনি একটি জিনিয়াস্ নিশাদা ! ওরে বনমালী,  
নৌলকৃষ্ণ !

[ বনমালী প্রবেশ করিল ]

একটা শাঁখ আনতে পারিস্ ?

বনমালী

শাঁখ ?

অমরেশ

ইঁ, ইঁ, শাঁখ—যা বাজায় ।

[ বনমালী চলিয়া গেল ।

নিশাদা, এই ফুল । এইগুলি আপনি নিন আৱ  
এগুলি আমি । মধু এলনা ত মালা নিয়ে ।

[ দুরজাৱ কাছে গিয়া ।

মধু ! মধু !

নিশানাথ

নৌলকৃষ্ণ, চায়ের জল গৱম আছে ত ?

নৌলকৃষ্ণ ( ভিতৰ হইতে )

আছে বাবু ।

[ মধু প্রবেশ করিল ]

অমরেশ

এই ষে মালা এনেছে নিশাদা ।

নিশানাথ

দোরে ঝুলিয়ে দাও ।

[ মধুর সাহায্যে অমরেশ আমের পাতার এবং শেফালী  
কুলের মালা দুয়ারে ঝুলাইয়া দিল ।

অমরেশ, ওরা হঘত আসচেন ।

অমরেশ

শাখ, একটা শাখ । বনমালী, বনমালী !

[ বনমালী প্রবেশ করিল ]

শাখ ? শাখ কোথায় ?

বনমালী

পাইনি বাবু ।

অমরেশ

কোন কাজের নস তুই । যা । তুমিও যাও মধু ।

[ বনমালী এবং মধু চলিয়া গেল ।

কি বলে অভ্যর্থনা করব, নিশাদা ?

নিশানাথ

কেন, তুমি ত বলতে-কইতে বেশ পার ?

অমরেশ

সে ডিবেটিং ক্লাবে, পাটির মিটিংয়ে । কিন্তু এখানে,  
এখানে কি বলব ?

## নিশানাথ

কিছুই বোলনা ! মুখে শুধু একটু হাসি এনে, একটু  
খানি শুয়ে বলবে, আশুন ।

[ তঙ্গীদের লইয়া প্রফুল্ল প্রভৃতি বারান্দায় আসিয়া  
দাঢ়াইল ।

## প্রফুল্ল

নিশানাথ, অঘরেশ, উঁরা এসেচেন ।

[ প্রফুল্ল প্রবেশ করিল । তঙ্গী হাঁটি দুরান্ধের  
কাছে দাঢ়াইল । একটি ফস' ১, একটি কালো ।  
কালোটির চোখে চশমা নেই, ফস'টির আছে ।  
ফস'টির নাম শুজাতা, কালোটির নদিনী ।  
হজনাই খদরের শাড়ী পরিয়াছে । গাঁও  
হজনারই সোন্টোর কোট, পাঁও নাগরা ।

এই ডেমোক্র্যাটিক কলোনির সদস্যদের পক্ষ থেকে  
আমি আপনাদের অভিনন্দন জানাচ্ছি । কর্মের ষে  
গুরুত্বার আমরা কাঁধে তুলে নিয়েছি, আপনাদের আবির্ভাব  
তারই সাফল্যের স্মৃচনা ।

## মহিম

ভাই প্রফুল্ল, একটু সংক্ষেপে ।

[ শুটকেস ও বেডিংয়ের বোর্কায় সে কাতর ।

## প্রফুল্ল

আপনাদের অভ্যর্থনা করবার ভাষা আমার নেই ;  
শুধু আন্তরিকতা নিবেদন করে বলচি, আপনারা আশুন,  
এসে আমাদের ভার গ্রহণ করুন ।

[ তরুণী হইটি ঘরের মাঝে আসিয়া দাঢ়াইল ।  
পিছনে পিছনে আসিল মহিম । তাহার কাঁধে  
স্টুকেস, বগলে বেজিং । তারপর দয়াল প্রবেশ  
করিল, তারও কাঁধে স্টুকেস, বগলে বেজিং ।  
প্রফুল্ল তরুণীদের আসন দেখাইয়া দিল,  
তাহারা বসিল । মহিম আর দয়াল বোৱা  
নামাইয়া রাখিল । মহিম বসিয়া পড়িয়া  
ইপাইতে লাগিল, দয়াল বাহিরে চলিয়া গেল ।  
প্রফুল্ল তরুণীদের সামনে দাঢ়াইয়া কহিল ।

আপনাদের বড় কষ্ট হয়েচে । ওহে নিশানাথ,  
অমরেশ, এস এদিকে, তোমাদের পরিচয় হয়ে যাক ।

[ নিশানাথ আর অমরেশ তাহাদের কাছে গেল ।

মিস শুজাতা সেন, মিস নন্দিনী—ই—ই...

নন্দিনী

..

নাগ

প্রফুল্ল

ইয়া, ইয়া, মিস নন্দিনী নাগ, কিছু মনে করবেন না...  
আর ইনি হচ্ছেন নিশানাথ ষোষ, কবি এবং দার্শনিক ।

[ শুজাতা উঠিয়া দাঢ়াইল ।

শুজাতা

ও ! আপনি কবি নিশানাথ ! নমস্কার । তোমার  
মনে আছে নন্দিনী সেই প্রবক্টা, আমি যা পড়েছিলুম,  
নিশানাথের কবিতা সম্বন্ধে ?

### ନନ୍ଦିନୀ

ହଁ, ସାତେ ତୁମି ବଲେଛିଲେ ନିଶାନାଥେର କବିତା  
ମାହୁଷେର ମନେର କୋମଳ ବୃତ୍ତିଗୁଲିକେଇ ଜାଗିଯେ ତୋଲେ ;  
ସ୍ଵତରାଂ ଆଜକାର ଦିନେ କାହିଁ ତା ପଡ଼ା ଉଚିତ ନୟ ।

### ଶ୍ରୀଜାତା

ତଥନ କି ଜାନି ଯେ, ନିଶାନାଥ ବାବୁ, କାବ୍ୟେର ରାଙ୍ଗେ  
ଯିନି କୋମଳ, କର୍ମକ୍ଷେତ୍ରେ କଠୋରତା ବରଣ କରେ ନିତେ  
ତିନି ପଞ୍ଚାଂପଦ ନନ ! ଆମି ସତି ବଲଚି ନିଶାନାଥ  
ବାବୁ, ଆପନି ଏହି କାଜେ ଯୋଗ ଦିଯେଛେନ ବଲେ ଆମି  
ଅତ୍ୟନ୍ତ ଆନନ୍ଦିତ ହେଁଚି ।

### ନିଶାନାଥ

ଆପନାକେ ଆନନ୍ଦ ଦେବାର ସୌଭାଗ୍ୟ ଯେ ଆମାର  
ହେଁଚେ, ତା ଜାନା ଆମାର ପକ୍ଷେଓ କମ ଆନନ୍ଦେର କଥା  
ନୟ । ଆପନାରା ଦୀଢ଼ିଯେ ରହିଲେନ କେନ ? ବନ୍ଧୁନ ।

[ ତାହାରା ବସିଲ ।

ଆର ଏହି ଛେଲେଟି ହଚ୍ଛେ ଅମରେଶ, ଚମକାର ଟାଇପ  
କରତେ ପାରେ ।

### ଶ୍ରୀଜାତା

କୋନ ମାର୍କେଟ୍ ଅଫିସେ କାଜ କରତେନ ବୁଝି ?

### ନନ୍ଦିନୀ

ଦେଶେର ଡାକେ ଚାକୁରୀ ଛେଡେ ଦିଯେଛେନ ?

সুজাতা

একেই বলে সত্যকারের অদেশন্তে !

প্রফুল্ল

ও আইন পড়ে ।

সুজাতা

এই ব্যৱোক্তিসীর আইন ?

প্রফুল্ল

ও-প্রফুল্ল আপনি তুলতে পারেন, আমি পারি না ।  
বেহেতু আমি নিজেই উকিল ।

মহিম

এবং আমিও ।

সুজাতা

আপনাদের কথা তোলবার প্রয়োজন নেই । কেননা  
আপনাদের সময় এ ভাব-প্রাবন আসেনি । কিন্তু অমরেশ  
বাবু তা বলতে পারবেন না । প্রাবনের দিনে আইন-  
কলেজের লেকচার-হলে নোঙ্গর ফেলে নিজেকে নিরাপদ  
রাখা ওঁর ঠিক হয়নি, এ আমি একশবার বলব ।

নিশানাথ

কিন্তু অস্তত একটিবারও এ-কথা মনে করবেন সুজাতা  
দেবী যে, অমরেশ যদি প্রাবনের সময় নোঙ্গর ফেলে  
নিজেকে নিরাপদ রাখতে না পারত, তাহলে আজ হ্যাত  
এখানে তার আবির্ভাব আর্দ্ধে হোত না । প্রাবনে যাই

ভাসে, ভাসা তলিরঁও ঘাস। এমন অনেকেই  
গেছে।

সুজাতা

আবার ত উনি আইন-কলেজে ফিরে ঘাবেন ?

নিশানাথ

চিরস্থায়ী হয়ে থাকবার জন্ত কেউ আমরা এখানে  
আসিনি। কিন্ত এ-সব এখন ধাক। আপনারা হাত-মুখ  
ধূয়ে আশুন, চা তৈরি।

সুজাতা

কিছু যনে করবেন না অমরেশ বাবু, কথাটা শু  
বলেছিলুম আলোচনার অভিপ্রায় নিয়ে...

[ উঠিয়া দাঢ়াইল।

নিদিনী

আঘাত করবার অভিপ্রায় নিয়ে নয়।

[ উঠিয়া দাঢ়াইল।

অমরেশ

আপনাদের দেওয়া আঘাত ত একেবারে আনন্দ-  
বিহীন হয় না।

সুজাতা

কথাটা কি সত্যি ?

অমরেশ

খুবই সত্যি। আঘাতে বেদনা আছে জেনে ষে-নারী

আবাত করে, সে একদিন সংবেদনার সাথনা নিয়ে  
এগিয়েও আসতে পারে, এই আশাটুকু পুরুষের পক্ষে বড়  
কম নয়, স্বজাতা দেবী ।

প্রফুল্ল

অমরেশ, ভাই, এখন ওঁদের ছুটি দাও, ওঁরা বড় ক্লাস্ট ।

মহিম

অমরেশ বড় চপল, চঞ্চল, চটুল...

নিশানাথ

তুমি ওঁদের ওপরে নিয়ে ঘাও, প্রফুল্ল । অমরেশদের  
ঘরটাতেই ওঁরা থাকবেন । আমরা থাকব সব নীচে ।

প্রফুল্ল

ওরে বনমালী, নীলকণ্ঠ !

[ বনমালী ও নীলকণ্ঠ প্রবেশ করিল ]

ওই বেড়িং আর স্টেকেস ছট্টো ওপরে অমরেশ  
বাবুদের ঘরে নিয়ে যা ।

[ তাহারা তাহাই করিল ।

মহিম, তুমি একমনে কি করচ ?

মহিম

ওঁদের আসবার রিপোর্টটা লিখচি । হা, ভালো  
কথা, আপনাদের সঙ্গে ফোটো আছে নিশ্চয় ।

স্বজাতা

আবার ফোটো কেন, মহিম বাবু ? কোন

বলক প্রচার আমরা পছন্দ করিনা। কি বল  
নদিনী ?

নদিনী

আমার ফোটোও নেই, প্রচারেরও ভয় নেই।

প্রফুল্ল

আমাদের ক্যামেরা আছে। নিশানাথ বেশ ফোটো  
তোলে।

সুজাতা

ও-বিছেও আপনার আছে !

অমরেশ

নিশাদার ঘনের পর্দায় দিবা-রাত্রি যে ছবি ফুটে  
ওঠে, সেলুলয়েডে তা ধরতে পারলে, দৈনিক দশহাজার  
ফুট ফিল্ম তৈরি হোত।

[ তরুণীরা হাসিল।

নিশানাথ

কিন্তু মজা হচ্ছে এই যে, একজনের ঘনের পর্দায়  
ষে-ছবি ফুটে ওঠে, অপরের তা দেখবার আগ্রহ হয়না।

প্রফুল্ল

আচ্ছা, ফোটোর কথা পরে বিবেচনা করা যাবে,  
আপনারা এখন চলুন।

[ তরুণীদের পথ দেখাইয়া প্রফুল্ল পাশের ঘরে চলিয়া  
গেল। মহিম একমনে লিখিতেই লাগিল।

অমৰেশ

নিশাদা !

নিশানাথ

কি অমৰেশ !

অমৰেশ

আমাৰ ৰৌবন আছে কিন্তু নায়ী-চিত্ত জয় কৱাৰ  
কৌশল জানা নেই। আপনি ও-বিষয়ে হাতে-কলমে  
ওস্তাদ নিশাদা, আমাকে একটুখানি সাহায্য কৰোন।

নিশানাথ

তোমাৰ বাণ ত ব্যৰ্থ হচ্ছেনা অমৰেশ।

অমৰেশ

হচ্ছেনা, নিশাদা ?

নিশানাথ

না।

[ প্ৰফুল্ল প্ৰবেশ কৱিল ]

প্ৰফুল্ল

ভাই মহিম, উৱা কাল সকাল ধেকেই কাজ শুরু  
কৱতে চান।

মহিম

বেশত, উতস্য শীত্রম্।

নিশানাথ

নীলকণ্ঠ !

প্রফুল্ল

নীলকঠ আৱ বনমালী দৃঢ়নাই ওপৰে ।

অমৱেশ

এই দেখুন প্রফুল্লমা, বিপ্লব এৱই মাৰে শুক হোল ।

মহিম

অমৱেশ বড় চপল !

অমৱেশ

চঞ্চল আৱ চটুল কথা দুটো বাদ পড়ল মহিমদা !

প্রফুল্ল

কাজেৰ কথাটা শেষ কৱতে দাও ভাই । মহিম,  
ফাইল-টাইলগুলো ঠিক কৱে রেখে দাও । ওঁদেৱ  
দেখিয়ে বুবিয়ে-শুনিয়ে দিতে হবে, কি কাজে আমৱা  
হাত দিয়েছি, কতদূৰ এগিয়েছি । হরিজন-পঞ্জী আৱ  
সাঁওতাল-পঞ্জীৰ যে ম্যাপ দুটো কৱেছি, তাও বার  
কৱে রাখ । এই দ্যাখ মহিম, কি ভুলই হয়ে গেছে !

মহিম

কি ভাই ?

প্রফুল্ল

আমাদেৱ নতুন সেণ্টারটা ম্যাপে দেগে রাখা হয়নি !

মহিম

ভুল তোমাৱ হলেও আমাৱ হয় না । আমি ঠিক  
কৱে রেখেছি ।

প্রফুল্ল

কৈ ভাই, দেখি একবার ।

[ প্রফুল্ল মহিমের কাছে গেল । মহিম মাথা নীচু  
করিয়া ডুয়ার খুলিতে লাগিল ।

নিশানাথ

নীলকণ্ঠ ! নীলকণ্ঠ !

প্রফুল্ল

বন্ধুম ওপরে কাজ করচে !

অমরেশ

তাহলে, প্রফুল্লদা, রাস্তাঘরে আপনাকেই যেতে হয় ।

[ মহিম মাথা তুলিয়া প্রফুল্লর হাতে কর্মকেজ্জের  
ম্যাপখানি দিল ।

প্রফুল্ল

এই ত মহিম, না জিজ্ঞেস করে এসব কর, তাইত  
এমন ভুল হয় ।

[ অমরেশ গিয়া প্রফুল্লর পিছনে দাঢ়াইল । নিশানাথ  
অসহিষ্ণু হইয়া ঘূরিয়া বেড়াইতে লাগিল ।

গাঁথ তো কি করোচ ।

[ ম্যাপখানি টেবিলের ওপর রাখিল ।

আমি বলিচি ষেটা আমরা কর্মকেজ্জ করব, সেটা  
বোৰাতে হবে যাপে একটা টাইকলাৱ পতাকা এঁকে ।  
আৱ সেই পতাকাকে কেজ্জ করে আমাদেৱ Sphere of

Action বৃত্তাকারে চিহ্নিত করে রাখতে হবে। এখন  
গত তিনি দিন ধরে সাঁওতাল পল্লীয় এই জায়গাটিকে কেজু  
করে আমরা কাজ করিচি। প্রথম দিন আমরা পৌষে  
এক মাইল পথ ঝাঁটি দিয়েছি, দ্বিতীয় দিনের কাজের ফলে  
তা হয়েছে এক মাইল। তুমি শুধু ব্লু-পেসিল দিয়ে একটা  
বৃত্ত এঁকে রেখেচ। এ দিয়ে ত কিছুই বোৱা যাবে না !

নিশানাথ

নীলকৃষ্ণ ! বনমালী !

প্রফুল্ল

ভাই নিশানাথ, কাজের সময় গোল আমি সহিতে  
পারিনা।

নিশানাথ

আর আমিও সহিতে পারিনা ষে, আমাদের চোখের  
সামনে দুটি মহিলা ক্ষিধেয়-তেষ্টায় উকিয়ে মরেন।

প্রফুল্ল

সত্যিই ত। আমি ভুলেই গেছলাম। এমনি  
কাজের নেশা !

[ বনমালী, নীলকৃষ্ণ আসিল ]

এই ষে বনমালী এসেচিস্ ? নীলকৃষ্ণ, চা—চা।  
অমরেশ ভাই, তুমি একটু উদিকে ঢাখ।

\* অমরেশ

নিশানা দেখচেন।

## প্রকৃতি

শুব ভালো কথা। নিশানাথ, ও-ভার তোমার  
ওপরই রইল।...ইয়া, মহিম, স্কেল, সেটস্ক্রিবার, পেনিল,  
ইরেজার দাওত।

[ মহিম তাহাই বাহির করিতে লাগিল।  
ভাগিয়স্ক সার্ভেটা সেবার শিখে নিয়েছিলুম !

[ মহিম আবশ্যকীয় সব টেবিলের ওপর রাখিল।  
প্রকৃতি সামনে ঝুঁকিয়া পড়িল। অমরেশ একটা  
চোর টানিয়া দিল।

ধ্যাক ইউ অমরেশ। এই শাখ। এইটে হচ্ছে  
আমাদের নতুন কেন্দ্র। কেন্দ্র এই আকলুম ট্রাই-কলার  
ফ্লাগ। কেমন ?

[ মহিমের দিকে চাহিল।

## মহিম

তারপর ?

## প্রকৃতি

এখন, এই ম্যাপের স্কেল হচ্ছে এক কোয়ার্টাৰ ইঞ্জিনে  
এক মাইল। আমরা এক মাইল অবধি কাজ করিচি,  
তাহলে...স্কেলটা দাও।

[ হাত বাড়াইল, মহিম স্কেল দিল, প্রকৃতি সেটা ম্যাপের  
ওপর রাখিল।

কোয়ার্টাৰ ইঞ্জ হচ্ছে এই। দিলুম এইখানে লাল

দাগ। বুঁধলে ? তাৰিপৱ, আহাদেৱ Sphere of Action  
হচ্ছে ওই বু-বৃত্ত—যা তুমি একেচ।

[ মহিম মন দিয়া দেখিতে লাগিল, অমরেশও। প্ৰফুল্ল  
টেবিলেৱ কাছ হইতে একটু দূৰে সৱিয়া  
আসিয়া মহিম ও অমরেশকে দেখিতে লাগিল।  
জেনারেল যুদ্ধ জয় কৱে, মহিম, যেশিন গান দিয়ে  
নয়—ম্যাপ দিয়ে !

নিশানাথ

আহুন সুজাতা দেবী, আহুন নদিনী দেবী।

[ সুজাতা ও নদিনী প্ৰবেশ কৱিল। তাহাদেৱ বেশ  
ও কেশবিশ্বাস হই-ই পৰিবৰ্ত্তিত।

প্ৰফুল্ল

বহুন, একটুখানি চা ?

সুজাতা

ওটিতে কথনো অমত পাৰেন না।

নিশানাথ

এইখানে বহুন।

[ তাহারা বসিল।

প্ৰফুল্ল

বনমালী !

বনমালী ( ভিতৱ হইতে )

বাবু !

ପ୍ରଫୁଲ୍ଲ

ଚା ନିଯେ ଆୟ ।

[ ଅମରେଶ ଏକଥାନି ଟିପର ଆନିଯା ତକଣୀଦେର ସମ୍ମଧେ  
ବାଖିଲ । ବନମାଳୀ ଚାରେର ଟେ ଆନିଯା ଟିପରେ  
ଓପର ବାଖିଲ ।

ଆରୋ ହୁ-ଟୋ ଟିପର ଦେ ।

ନିଶାନାଥ

ଯଦି ଅହୁମତି କରେନ, ତାହଲେ ଚା-ଟା ଆମିଇ ଢେଲେ ଦି ।

ନନ୍ଦିନୀ

କେନ କଷ୍ଟ କରଚେନ, ଆମାକେ ଦିନ ନା ।

ନିଶାନାଥ

ଥୁବ କଟେଇ କାଜ କି ? ଚିନିଟା ଦେଖୁନ !

ହଜାତା

ଆମାର ଓତେଇ ଢେଲେ, । ନନ୍ଦିନୀ ଚିନି ବେଶି ଥାୟ ।

ନନ୍ଦିନୀ

ମିଷ୍ଟି ନା ହଲେ ଆମାର ଭାଲୋ ଲାଗେ ନା ।

ନିଶାନାଥ

ହୁ-ଚାମଚେ ?

ନନ୍ଦିନୀ

ଥ୍ୟାକ୍ସ !

ପ୍ରଫୁଲ୍ଲ

ମହିମ ଏସ !

ষষ্ঠি

এই যে আসচি ভাই !

প্রফুল্ল

দয়ালনা কোথায় গ্যাল ?

নিশানাথ

তাইত, তাকে ত দেখতে পাচ্ছিনে !

অমরেশ

সে হয়ত দারোয়ানের সঙ্গে কুস্তির আখড়ার ক্ষীম্  
করচে ।

নন্দিনী

ও মা ! কুস্তি আবার করে কে ?

প্রফুল্ল

সেই যে আমাদের সঙ্গে টেশনে গিয়েছিলেন ।

স্বজ্ঞাতা

তিনি কি কুস্তিগীর ?

প্রফুল্ল

ই, পালোয়ান—আর বড় ধনী, একাও সম্পত্তির  
মালিক ।

নন্দিনী

অধিচ দেশের কাজে নেমেছেন !

স্বজ্ঞাতা

তোমার বুঝি ধারণা দেশটা ধনীদের নয়, কেবল

গরীবদের। তাই দেশের ডাকে ধনী সাড়া দেবে না,  
সাড়া দেবে শুধু তারা, যারা গরীব?

প্রফুল্ল

আমাদের এ কাজের সব ব্যয় দয়ালদাই বহন করেন।  
দেখবেন, আশৰ্য্য এক লোক! মহিম, এস, চা  
জুড়িয়ে যাচ্ছে।

অমরেশ

আশুন, নিশাদা।

[ মহিম একগাদা ফাইল, ম্যাপ, খাতা লইয়া প্রফুল্লর  
পাশে বসিল।

প্রফুল্ল

ও-গুলো এখন নৌচে রেখে দাও মহিম।

[ মহিম তাহাই করিল।

সুজাতা

ও-সব কি মহিম বাবু?

প্রফুল্ল

আমাদের কাজের ক্ষীম, ক্ষেত্ৰ, পাবলিসিটি ক্যাম্পেন,  
দেশের ও দশের যতামত। আপনাদের দেখিয়ে তিনিয়ে  
বুবিয়ে দিতে হবে।

নব্দিনী

এই এত সব খাতা-পত্র!

মহিম

কোন সার্ভিসেরই দাম থাকেনা নবিনী দেবী,  
যদি তা সিষ্টেমেটিক্ এবং এফিসিয়েন্ট না হয় ।

প্রফুল্ল

দেখুন, এরই মাঝে আমরা একটা সেসেশান জাগিয়ে  
তুলেছি ।

মহিম

আমাদের দেখলেই ওরা দশ-পনেরো জন এক  
জাহাজ জড়ে হয় !

অমরেশ

আমাদের দেখে আর নিজেরা কি যেন পরামর্শ করে—  
বোধ হয় কী প্রেরণা পেল, তাই আলোচনা করে ।

প্রফুল্ল

আমরা এ পর্যন্ত বারো হাজার গজ রাস্তা ঝাঁট  
দিয়েছি ।

হৃজাতা

এই কটি মাত্র লোকে !

নিশানাধি

সংখ্যাই কেবল শক্তির পরিচায়ক নয় ।

মহিম

আমরা চার বর্গ-মাইল ব্যেপে কাজ করছি ।

ନନ୍ଦିନୀ

ଏହି କଟି ଲୋକ !

ଅମରେଶ

ଆମାଦେଇ ଏକଜନ ନାଟ୍ୟକାର ଶାହଜାହା କାମବଜ୍ଜେର  
ବିଶ୍ୱାସେର ଦୃଷ୍ଟାଙ୍କ ଦିଯେ ବୁଝିଯେ ଦିଯେ ଗେଛେନ, ଦେହେର  
ଶକ୍ତି ଶକ୍ତି ନୟ, ମନେର ଶକ୍ତିଓ ଶକ୍ତି ନୟ, ମାତୃଶକ୍ତିଇ  
ହଜେ ଶକ୍ତି !

ମହିମ

ଦେଇ ମାୟେର ନାମ ନିଯେ ଆମରା କାଜେ ବେରିଯେଚି !

ପ୍ରଫୁଲ୍ଲ

ଆମରା ତିନକୁଡ଼ି ଚରଥା ବିତରଣ କରେଚି !

ମହିମ

ଛାପାଇଟା ସତା କରିଚି ।

ପ୍ରଫୁଲ୍ଲ

ବିଦ୍ୟାଲିଙ୍ଗଧାନା ଫୋଟୋ ତୁଳେଚି ।

ନିଶାନାଥ

ସାଂଗତାଲଦେର ଜୀବନେର ବହ ବିଚିତ୍ର ଗନ୍ଧ-ଗ୍ରୀଥା ସଂଗ୍ରହ  
କରିଚି ।

ନନ୍ଦିନୀ

ବାଘ, ଭାଞ୍ଜୁକ, ସିଂହଦେର ସଙ୍ଗେ ଲଡ଼ାଇଯେର କଥା ?

ନିଶାନାଥ

ହଁ, ତାଓ ଅନେକ ।

সুজাতা

সিংহ কি এ-দেশে আছে ?

অমরেশ

সিংহবাহিনী যাদের জননী তাদের দেশে সিংহ  
থাকবে না ?

প্রফুল্ল

বিশেষ করে, জেলাটা যে সিংহভূম, তাও ভুলবেন  
না ।

সুজাতা

একটা সিংহের গল্প শোনানো না, নিশানাথবাবু !

প্রফুল্ল

কাজে বেঙ্গলে আপনারা ওদের মুখ থেকেই তা  
শনতে পাবেন ।

সুজাতা

আচ্ছা, নিশানাথবাবু, সাঁওতালরা বাঁশী বাজায় ?

নিশানাথ

বাজায় ।

নদিনী

মানল ?

মহিম

মানলের নাম মুখে আনবেন না, আপনাদের পাঁগল  
করে তুলবে ।

নিশানাথ

যদি বাদলে বেজে ওঠে !

হৃজাতা

সাঁওতাল তরুণরা তরুণীদের ফুল-সাজে সাজিয়ে  
দেয় ?

অমরেশ

সেই রোগের ছোয়াচ লেগেচে বলেই ত আমাদেরও  
ঘরে আজ ফুল ।

হৃজাতা

সাঁওতাল তরুণীরা ফুল-পুরুষ-শাড়ী পরে কলসী  
কাঁথে জল আনতে যায় ?

অমরেশ

যায় ।

হৃজাতা

পুরুষের আর-পাড় থেকে তরুণরা হাতছানি দিয়ে  
তাদের ডাকে ?

অমরেশ

তাও ডাকে ।

নলিনী

তাদের মিলন হয় ?

অমরেশ

হয় না ?

সুজাতা

কাজের কোলাহল ভুলে পাহাড়ের বুকে ফুটে-ওঠা  
ফুলের গালিচায় শুয়ে নির্বাণীর কলতানের সঙ্গে কর্ণ  
মিলিয়ে তারা তাদের জীবন-গীতা গায় অমরেশ বাবু ?

অমরেশ

ছবিটা ঠিক মনে ফুটিয়ে তুলতে পারচিনে ! নিশাদা,  
একটু সাহায্য করুন !

নিশানাথ

জগতের কাব্যে ইতিহাসে শ্রেষ্ঠ প্রেমিক-প্রেমিকা  
বলে যারা খ্যাত, শুনে আশ্চর্য হবেন সুজাতা দেবী,  
মিলন-মূহূর্তে তারাওয়ে-গান গেয়ে গেছেন, ওই সাঁওতাল-  
গুলো সেই গানই গায় !

[ দূরে মাদল বাজিয়া উঠিল । মহিম বাগিয়া উঠিল ।

মহিম

আবার ওই মাদল !

[ সুজাতা ভাবের আবেগে উত্তা হইয়া উঠিল ।

সুজাতা

ওই মাদল ! কোন্ অজানা-লোকের উদাস-প্রেমের  
বাণী বয়ে আনে ওই মাদল !

নিশানাথ

গান গেয়ে গেয়ে ওরা সব উৎসবে চলেচে, সুজাতা  
দেবী ।

হৃজাতা

আমাদের নিয়ে চলুন, প্রফুল্ল বাবু। আমরাও  
ওদের উৎসবে ঘোগ দোব। কি বল, মন্দিনী?

মন্দিনী

আমার উৎসাহ নেই, হৃজাতা।

হৃজাতা

ওদের ডাকুন, অমরেশ বাবু। আপনাদের আহ্বানে  
ওরা নিশ্চিতই সাড়া দেবে।

অমরেশ

ডাকলেই ওরা ছুটে আসবে হৃজাতা দেবী। কিন্তু  
ডাকবার উপায় নেই।

হৃজাতা

কেন?

অমরেশ

মহিমদা মাদলের বাজনা সহিতে পারেন না!

মহিম

অমরেশ, তুমি বড় চপল, চঞ্চল, চঁচুল। কোথায়  
কখন কোন্ কথা বলা উচিত, অছুচিত তা মোটেও  
তুমি বোবানা। আমি ধাঢ়ি হৃজাতা দেবী, আমিই  
ওদের ডেকে আনচি। নেচে গেয়ে আজকের এই মধুর  
সঙ্গ্যা ওরা উৎসব-মূখর করে তুলুক।

[ মহিম বেগে বাহির হইয়া গেল।

প্রফুল্ল

মহিমের এ-কি আশ্চর্য পরিবর্তন, নিশানাথ ?

নিশানাথ

পরিবর্তন সবে স্ফুর হোল প্রফুল্ল, শেষটায় কোথায়  
গিয়ে সবাইকে দাঢ়াতে হয় ঢাখ ।

সুজাতা

ওরা আসবে ত অমরেশ বাবু ?

অমরেশ

আসবে সুজাতা দেবী ।

[ সুজাতা দরজার কাছে গিয়া দাঢ়াইল । অমরেশও<sup>তাহার সঙ্গে গেল ।</sup>

প্রফুল্ল

ওদের একটি প্রাণীও এ-বাড়ীতে কোনদিন আসেনি,  
নিশানাথ ।

নিশানাথ

কিন্তু আজ আসবে ।

প্রফুল্ল

কেন ?

নিশানাথ

শ্রীহীন এই বাড়ীতে আজ যে শ্রীর আবির্ভাব হয়েচে,  
প্রফুল্ল ।

## সুজাতা

ওরা আসচে, প্রফুল্ল বাবু !

[ সুজাতা আসিয়া নদিনীর পিছনে দাঢ়াইল ।

ওরা আসচে নদিনী, এলেই দেখতে পাবে, যেন  
সরলতার প্রতিমূর্তি !

[ মহিমের পিছনে পিছনে সাঁওতাল তরুণ-তরুণীরা  
প্রবেশ করিল । অমরেশ, নিশানাথ, মহিম  
ঘরের আসবাব-পত্রগুলি টানিয়া সরাইয়া নাচের  
স্থান করিয়া দিল । সুজাতা ও নদিনী এক-  
কোণে দাঢ়াইয়া তাহাদিগকে দেখিতে লাগিল ।

## সাঁওতাল তরুণীরা

কুড়ি কুড়ি ছুঁড়িগুলো ছাতার মেলায় গেল ।

পান খেতে ছোঁড়াগুলো এক সঁথে হোল ॥

ভাল ভাল ঘরের বহু মেলায় ঘেওনা—

পথে আছে কালিয়া ছেঁড়া ধরে লিবে গো ।

বহিন বেটা গিয়েছিলো একবার মেলাতে

তাঁতির বেটা ধরে নিলে কাপড় পঢ়াতে

হ'হাতে মাকু চালায় সর্ সর্ সরু—

তাঁতির বেটা বড় কারিকৰ ॥

[ সাঁওতালদের নাচ-গান চলিতে লাগিল । কিছুকাল  
নাচ-গান চলিবার পর একটি সাঁওতাল যুবক  
দুরজার কাছে দাঢ়াইয়া বিকট চীৎকার করিল ।  
নাচ গান নিয়িবে বন্ধ হইয়া গেল ।

## সাঁওতাল শুবক

ইঠিনে আসি লাচ করচিস্, গান করচিস্, শুভা সবাই  
রাগেঁছে রে, সর্দার বুল্যাইছে, চল।

অনেকে

আরে চল, চল, সর্দার রাগেঁছেরে, রাগেঁছে !

মাদল বাজাইতে বাজাইতে গান গাহিতে গাহিতে  
তাহারা চলিয়া—গেল। শুজাতা তাহাদের  
পিছন পিছন দুষ্টুর অবধি গেল। তাহারা  
দৃষ্টির বাহিরে গেলে ফিরিয়া আসিয়া কহিল।

শুজাতা

আমার কি ইচ্ছে হচ্ছে জানেন, প্রফুল্লবাবু ?

প্রফুল্ল

কি ?

মহিম

যা ইচ্ছে হচ্ছে অসঙ্গোচে বলে ফেলুন।

অমরেশ

প্রান-অব-ঘ্যাকশান্ বদলে নিতে বাধা নেই।

শুজাতা

আমার ইচ্ছে হচ্ছে পূর্বপুরুষদের ডেকে বলি, ফিরিয়ে  
নিয়ে যাও তোমাদের গড়া এই সভ্যতা, যা মানুষের  
মুক্তি-পথের মাঝখানে পর্যটেরই মতো অচল অঠল  
দুর্ভজ্য বাধা নিয়ে দাঢ়িয়ে আছে; ইচ্ছে হচ্ছে স্পষ্ট  
ভাষায় বলি, তোমাদের গড়া এই প্রাচীন সভ্যতার

কোন সার্ধকতাই আৱ নেই,—এৱ কুঞ্জিমতা, এৱ  
কদৰ্যতা, এৱ বীভৎসতা মাহুষৰে জীবনকে আজ ছৰ্বহ  
কৱে তুলেছে। মাহুষ এৱ পীড়ন থেকে, এৱ পেষণ  
থেকে মুক্তি চায়, চায় মুক্তপক্ষ বিহুমের মতো অবাধ  
গতি, অপার আনন্দ, অপরিসীম আকাঙ্ক্ষাৰ পৱিত্ৰত্ব।

মহিম

ব্যাক টু নেচাৱ !

অমৱেশ

ব্যাক টু লাইফ,

নিশানাথ

ব্যাক টু দি ডে—

হোয়েন ঘ্যাডাম ডেলভড্ৰ

ঘ্যাণ্ড ঝিভ স্প্যান,

হ ওঘাজ দেন এ জেটলম্যান ?

প্ৰফুল্ল

আপনি যখন এই প্ৰেৱণা পেয়েছেন, তখন আমি  
মুক্তকৃষ্ণে বলব যে চৱধা, অদৱ এবং হৱিজন সংকৰণ সকল  
তত্ত্বেৱ গৃঢ় মৰ্ম্ম আপনি অবগত হয়েচেন—তখন আমি  
স্পৰ্কাৱ সকলৈ বলব যে মুক্তি আমাদেৱ কৱতলগত।

অমৱেশ

হস্তামলকবৎ ।

নিশানাথ

আপনাকে আর এক বাটি চা দোব ?

শ্রীতা

বলিছি ত ওতে কখনো অমত পাবেন না ।

[ নিশানাথ চা ঢালিতে সাগিল, দয়াল প্রবেশ করিল ।

প্রফুল্ল

এই ষে দয়ালদা ! কোথায় ছিলে এতক্ষণ ?

দয়াল

ওদিকে একটা গুহতর কিছু ঘটেছে, প্রফুল্ল । সব  
সাঁওতাল আর হরিজন মিলে মিটিং করচে ।

মহিম

মিটিং করচে !

প্রফুল্ল

হ-বু-রে ! হ-বু-রে ! হ-বু-রে ! আপনাদের আসবাব  
দিনটি ষে এমন সার্থকতায় ভৱে উঠবে, তা এক মিনিট  
আগেও আমি কল্পনা করতে পারিনি ।

অমরেশ

আপনি কি বলচেন, প্রফুল্লদা ?

প্রফুল্ল

বুঝতে পারচনা, আজকের দিনটি আমাদের কর্ম-  
জীবনের রেড-লেটার-ডে । বাড়ীঘর ছেড়ে এসে, এই  
জলা জ্বায়গায় বাসা বেঁধে আমরা কজনা অজ্ঞান-অচেনা

লোক শুধু অন্তরের নিষ্ঠা দিয়ে যে ছাঃসাধ্য কাজ সফল  
করে তোলবার কল্পনা করেছিলুম, আতির ভাগ্যবিধাতার  
আশীর্বাদে তা আজ সার্থকতায় সমুজ্জল হয়ে উঠেচে ।

মহিম

কথাটা আমিও ঠিক বুঝতে পারচিনে, প্রফুল্ল ।

প্রফুল্ল

ওরা মিটিং করচে, এ-টা কত বড় কথা বল ত !  
ষাঠা ছিল মুক, তারা আজ পেল ভাষা ! কাদের কাছ  
থেকে ? এই নগণ্য কজনা সেবকের কাছ থেকে । শত  
অত্যাচার সহ করে নীরবে যারা কেবল অঙ্গপাত করত,  
আজ তারা দলবদ্ধ হয়ে আলোচনা করচে, কিসে তাদের  
কল্যাণ হবে । এ কি আনন্দের কথা নয়, স্বজ্ঞাতা দেবী ?

স্বজ্ঞাতা

সার্থক আপনাদের শ্রম !

প্রফুল্ল

আজ যদি মৃত্যুও আসে, তাহলেও আমার আফশোষ  
ধাকবে না—My mission, O Lord, my mission is  
fulfilled !

মহিম

সত্যিই ত । কথাটা এ-দিক দিয়ে ভেবে দেখিনি ।

স্বজ্ঞাতা

কিন্তু কথাটা সত্য ।

## নদিনী

আমি বলি শুভ্রাতা, আমি বলি প্রফুল্লবাবু, চলুন  
আমরাও গিয়ে ওদের মিটিংয়ে যোগ দিই—ওদের  
শোনাই, ওদের বোৰাই যে, ওৱা অসহায় নয়।

## প্রফুল্ল

যাওয়া ত আমাদের উচিত। ওৱা উৎসাহিত হবে,  
অহুপ্রাণিত হবে।

## দয়াল

আমার কিন্ত মনে হয় প্রফুল্ল, না যাওয়াই উচিত।  
কেননা আমাদের উপর ওদের ধারণা খুব ভালো বলে  
বোধ হোল না। যে-ছেলেটা আমার কাছ থেকে  
রোজ রোজ বিড়ি চেয়ে নেয়, সে চুপি চুপি বলে, আজ  
যেন না ওদিকে যাই।

## মহিম

আর তুমি ভয় পেয়ে চলে এলে, দয়ালদা ?

## দয়াল

চলে যে এলুম, তা তো দেখতেই পাছ ভাই—কিন্ত  
ভয় পেয়ে নয়, তোমাদের খবর দিতে।

## অমরেশ

দয়ালদার কথাটা একেবারে ভিত্তিহীন নাও হতে  
পারে। কেননা ইতিহাসে দেখা যায়, জনগণ ঘাদের

কল্যাণে জাগরিত হয়, নব-চেতনার উভেজনার সর্বপ্রথমে  
তাদেৱই কৰে কৰ্তি !

দয়াল

আমি চল্লম প্ৰফুল্ল। নিজে গিয়ে দেখে আসি  
ব্যাপারটা কি,—ছোকৱা ও-কথা কেন বলে ?

প্ৰফুল্ল

একা যাবেন না দয়ালদা। অমৰেশ, যাবে ওঁৰ সঙ্গে ?

অমৰেশ

প্ৰফুল্লদা, আপনি বলেই ঘেতে হবে। কিন্তু রাতেৱ  
বেলায় সাঁওতালদেৱ কালো-কালো হুকুরগুলো বড় হিংস্র  
হয়ে ওঠে ! তাদেৱ দশন-দংশনেৱ প্ৰতি আমাৱ বিনুমাত্ৰ  
লোভ নেই !

দয়াল

না, না, অমৰেশকে ঘেতে হবে না।

সুজাতা

আপনাৱ যদি আপত্তি না থাকে, তাহলে আমৰা  
ঘেতে প্ৰস্তুত। কি বল নন্দিনী ?

নন্দিনী

আমিত ওই প্ৰস্তাৱই কৰেছিলুম।

প্ৰফুল্ল

তাহলে আমাৰেও ঘেতে হয়।

দয়াল

আমি জেনে আসি ছোকরা ও-কথা কেন বলেছিল।  
তারপর প্রয়োজন মত ব্যবার ইচ্ছে আপনারা  
যাবেন। আর Espionage-এর কাজে একা যাওয়াই  
প্রশংসন্ত।

নিশানাথ

কিন্তু তোমার ওই বপুখানি নেহাঁ অপ্রশংসন্ত নয়  
দয়ালদা। ওকে গোপন রেখে Espionage-এর বিশেষ  
সুযোগ কি তুমি পাবে?

মহিম

আমি বলি দয়ালদা, এই রাতের বেলা তোমার  
বাইরে গিয়ে কাজ নেই।

দয়াল

ওদের চোখরাঙানীও আমি সইব মহিম!

অমরেশ

দয়ালদা, ওরা ত জানে না যে, ওদেরই উপরিতর জঙ্গে  
তুমি তোমার যথাসর্বস্ব দান করচ!

দয়াল

আজ তাই ওদের আমি ভালো করে জানিয়ে বুঝিয়ে  
দোব—দাতার ভাণ-করা সৌজন্য প্রকাশ করে নয়, দাতার

**বক্ষিক অধিকারের জোরে ! ওরা চোখ রাঁজাবে  
আর আমি তাই সইব !**

[ বলিতে বলিতে দয়াল দরজার কাছে গিয়া দাঢ়াইল  
তারপর ফিরিয়া আসিল ।

আমার জন্য তোমরা ভেবো না ! আমি যতক্ষণ  
না বুবুব, তোমরা সম্পূর্ণ নিরাপদ, ততক্ষণ ফিরব না ।  
তোমরা শুধু সতর্ক থেকো ।

[ দয়াল চলিয়া গেল । প্রফুল্ল দয়ারের কাছে দাঢ়াইয়া  
ঝালিল ।

**মহিম**

দয়ালদা বড় একশুঁয়ে !

অমরেশ

বু-ব্রাড !

**সুজাতা**

এ-কাজের প্রতি ওর তেমন শুন্দা নেই ।

**নন্দিনী**

আশ্চর্য যে, ওর মতো দাঙ্গিক লোকের অর্থ নিম্নেও  
এই কাজ চালাতে হয় !

**নিশানাথ**

দোষ ওর নয় ; দোষ হচ্ছে সেই মনোবৃত্তির যা বংশ-  
পরম্পরায় ওদের মনকে চালনা করচে ! বাংলার  
জমিদাররা প্রজাপালন করেছেন পরম শ্রেষ্ঠে, কিন্তু

শাসনও করেছেন শক্তির নির্বাপতা নিয়ে। তাঁদেরই  
রক্ত রয়েচে দয়ালদার দেহে, তাই সে সেবা করতেও  
এগিয়ে আসে, আবার শাসন করতেও চাবুক  
তোলে !

### অমরেশ

তাহলে কথাটা বলি, নিশাদা। গোপনে গোপনে  
এই মৌজাটা কিনে ফেলবার আয়োজন দয়ালদা  
করচে। আমি একখানা চিঠি দেখে ফেলেছিলুম।

### মহিম

কিন্তু দয়ালদার জঙ্গে আমার মন কেমন করচে।  
একা গেল !

### প্রফুল্ল

কেউ যে কড়া কথা কইবে, দয়ালদা তা সইবে না।  
আর জান ত মহিম, উভেজিত জনতা কোন কথা  
কইতেই সকোচ বোধ করে না।

### সুজাতা

আপনারা সত্যিই কি কোন বিপদের ভয় করছেন ?

[ উঠিয়া দাঢ়াইল ।

### মহিম

না, না, ভয়ের কথা নয় ; তবে দয়ালদা বড়  
একরোখা লোক ।

নিশানাথ

বন্ধন সুজাতা দেবী। এস হে অমরেশ, একটু গঁজ-  
সং করা যাক।

নিশানাথ

আজ কতদিন পরে আমাদের ঘনের আকাশে সবে  
মাঝে একটু চাঁদের আলো দেখা দিয়েছিল, আর কোথা  
থেকে দৌড়ে এসে দম্ভালসা ছশ্চিত্তার হাকা কালো মেঘ  
ছড়িয়ে তা জ্ঞান করে দিল।

অমরেশ

আমাদের ঘন শরতের আকাশ। ষে-মেঘ ডেসে  
এসেচে, তা এখনই সরে যেতে পারে। চাই তবু এঁদের  
সহযোগ।

নিশানাথ

একটু খোলসা করে বল, অমরেশ।

অমরেশ

এঁরা যদি...বলব সুজাতা দেবী?

সুজাতা

বলুন না!

অমরেশ

যদি গানের হাওয়া বইয়ে দিতে পারেন।

নিশানাথ

ঠিকই ত ! এ-কথাটা একবারও মনে হয়নি ।  
স্বজ্ঞাতা দেবী !

স্বজ্ঞাতা

আমার গান কি শোনবার মতো হবে ?

নন্দিনী

স্বজ্ঞাতা স্বন্দর গায় !

স্বজ্ঞাতা

কি যে বল নন্দিনী !

অমরেশ

এমন একখানা গান গাইতে হবে স্বজ্ঞাতা দেবী, যা  
আমাদের শিরায় শিরায় উভেজনার আঙুন ছুটিয়ে দিতে  
পারে ।

নিশানাথ

পুরুষের অন্তরে কর্ষের উদ্বীপনা জাগিয়ে তোলাই  
নারীর সত্যিকারের কাজ স্বজ্ঞাতা দেবী ।

অমরেশ

নইলে পুরুষ সব পাথরের মুর্ছি হয়ে ষাবে । না  
পারবে নিজেরা চলতে, না পারবে জাতিকে এগিয়ে নিতে !

স্বজ্ঞাতা

ষাঢ়াপথে আপনাদের এগিয়ে দিতেই ত আমরা  
এখানে এসেচি !

অমরেশ

তাহলে সুজাতা দেবী...

সুজাতা

আচ্ছা, আচ্ছা, অত করে আর বলতে হবে না ।

[ সুজাতা গান শুক্র করিল । যে-কোন উত্তেজনাপূর্ণ  
স্বদেশী গান গাওয়া ষাইতে পারে ।

নন্দিনী

আপনার কি মনে হয়, দয়ালবাবু এমন কিছু করবেন  
ষাটে ওদের ক্ষতি হতে পারে ?

নিশানাথ

কাদের ?

নন্দিনী

ওই হরিজনদের !

[ প্রফুল্ল মহিমের টেবিলের কাছে গেল ।

প্রফুল্ল

মহিম, ভাই, টর্চটা দাও ত ।

মহিম

কেন, তুমি বেঙ্গবে নাকি ?

প্রফুল্ল

না, না, তুমি দাও শিগগীর !

[ মহিম ড্রয়ারের ভিতর টর্চ খুঁজিতে লাগিল ।

ଅମ୍ବରେଶ

ବାଇରେ ବଡ଼ ଅନ୍ଧକାର !

ଶୁଜାତା

ସହସା ସବ ପ୍ରକୃତ ହୟେ ଗେଲ ।

ମହିମ

ନା ଭାଇ, ଟର୍ଚଟା ପେଲୁମ ନା ।

[ ପ୍ରଫୁଲ୍ଲ ହସାରେ ଦିକେ ଅଗ୍ରସର ହଇଲ ।

ଶୁଜାତା

ପ୍ରଫୁଲ୍ଲବାବୁ ଅମନ ଚୁପ କରେ ଦୀଢ଼ିଯେ ରଯେଛେନ କେନ ?

ନଦିନୀ

ଆମାର ଓ କେନ ଯେନ ଚୁପ କରେ ଥାକତେ ଇଚ୍ଛେ ହଚ୍ଛେ !

ମହିମ

ଓଦେର ମାଦଳ ଓ ତ ଆର ବାଜେ ନା !

ଅମ୍ବରେଶ

ମେହି କାଲୋ କାଲୋ କୁକୁରଗୁଲୋ ଓ ତ ଆର ଡାକେ ନା !

[ ପ୍ରଫୁଲ୍ଲ ମହିମେ କାହେ ଗେଲ ।

ପ୍ରଫୁଲ୍ଲ

ଅନ୍ଧକାରକେ କଥନୋ ଚଲତେ ଦେଖେଚ, ମହିମ ?

[ ମହିମ ଉଠିଯା ଦୀଢ଼ାଇଲ ।

ମହିମ

ଅନ୍ଧକାର ଆବାର ଚଲେ ନାକି ?

প্রফুল্ল

হয়ত চলে। নিশানাথ বলতে পারে।

[ নিশানাথের কাছে গেল।

নিশানাথ, বলতে পার, গাঢ় জমাট-বাঁধা অঙ্ককার  
কখনো চলে ?

নিশানাথ

ষতই গাঢ় হোক, আলোর প্রকাশ হলে অঙ্ককার  
সরেই যায়।

প্রফুল্ল

সরে ষথন যায়, তখন এগিয়েও আসে ?

নিশানাথ

তাও আসে।

প্রফুল্ল

তাই-ই আসচে। কিঞ্চি ধীরে, খুব ধীরে, খুব  
নিঃশব্দে, শ্বির-গান্ধীর্ঘ্য নিয়ে। টর্চটা পেলে তোমাদের  
দেখাতুম।

[ প্রফুল্ল আবার গিয়া দরজার কাছে দাঢ়াইল।

এই ঢাখো, মহিম, একেবারে কাছে এসে পড়েচে—  
একেবারে দোর গোড়ায়।

[ সকলে চাহিয়া দেখিল, কালো-কালো পাথরের মতো  
সব মূর্ণি বারান্দায় দাঢ়াইয়া রহিয়াছে।

সুজাতা

ওরা কারা ?

অবরেশ

ওদেৱই সেবা কৰতে আপনারা এসেচেন।

নিদিনী

হৱিজন !

নিশানাথ

এবং সাঁওতাল।

স্বজ্ঞাতা

ওৱা কি চায় ?

[ প্ৰফুল্ল ধীৱে ধীৱে অগ্ৰসৱ হইল, শুকৰঠে জিজ্ঞাসা  
কৰিল।

প্ৰফুল্ল

কি চাও তোমৱা ? সৰ্দীৱ, কি চাও ?

[ সৰ্দীৱ আগাইয়া আসিল। বৃক্ষ, দীৰ্ঘাবয়ব, কিঞ্চ  
বয়সেৱ ভাবে ঈষৎ মুইয়া পড়িয়াছে। পাকা  
দাঢ়ি, পাকা গোফ, কাঁধে গামছা।

সৰ্দীৱ

একটা কথা স্মৰ্থতে আসেঁয়ছি।

প্ৰফুল্ল

বেশত, ভিতৱে এস।

[ সৰ্দীৱ ঘৰে প্ৰবেশ কৰিয়া মাথা নীচু কৰিয়া  
দাঢ়াইল।

ওদেৱও ডাক, ওৱাও আশুক।

সন্দীর

উয়ারা নাই আসবে !

মহিম

বোস সন্দীর !

সন্দীর

এই ঠিনে হামরা নাই বসব !

প্রফুল্ল

কেন ?

সন্দীর

জুতার দরদ এখনো নেই ভুল্যেছি ।

প্রফুল্ল

জুতোর দরদ !

সন্দীর

ই, ই, জুতার দরদ ! গোহালে যেমন গুঁ  
চুকায় না ? তেমনি কুরিয়ে হামাদের দশ জুয়ানকে  
এই ঘরের ভিতর চুকাইলে । ছড়কা কপাট সব দিলে  
লাঁগায়ে, আর সিপাহীগুলাকে ছকুম দিলে মার জুতা ।  
চোখে আর কিছু নাই দেখলাম, কানে আর কিছু  
নাই শুনলাম, হামারা দিশেহারা হয়ে গেলাম, হামাদের  
বুকে পিঠে মাথায় মুখে জুতার পর জুতা মারতে  
লাগলেক ! জুতার পর জুতা—এই ঘরে ! এমনি  
রেতের বেলা ।

প্রফুল্ল

ইস ! কবে সর্দার, কবে ?

সর্দার

বিশ বছর আগে ।

প্রফুল্ল

কি অপরাধে ?

সর্দার

এ হামাদের কুকুরগুলো জমিদারের ছটো বিলাতি  
কুকুরকে মারিয়ে দিল । উঘার লেগে ।

মহিম

তোমরা কিছু করলেনা ?

সর্দার

হামরা গুরিব—হামরা কি করব হে !

অমরেশ

তোমরা কিছু বলেনা ?

সর্দার

কি বলবো হে—উঘারা বড় লোক ।

মুজাতা

কিছু করলেনা ! কিছু বলেনা !

সর্দার

কিছু নাই করলাম, কিছু নাই বললাম ! জুতাটি

ধাই়ে চুপ করিয়ে ঘুরিয়ে গেলাম ! সেই দিন হতে  
ইদিকে আর নাই আসেঁচি ।

প্রফুল্ল

আনলে, এ বাড়ীতে আমরা কেবল করতুম না ।

মহিম

তুমি বোস সর্দার ।

সর্দার

নাই বসব হে ! একটা কথা স্বাধাতে আসেঁচি,  
এখনই ঘুরিয়ে যাব ।

প্রফুল্ল

বল তোমরা কি শুনতে চাও ?

সর্দার

ই গাঁ ছাড়িয়ে তোরা কবে যাবি ?

মহিম

সে এখনো দেরী আছে ।

প্রফুল্ল

তোমাদের খানিকটা তৈরি না করে ত যেতে  
পারিনা ।

সর্দার

তোরা আর নাই দেরি করিস হে । বিহানে চলিয়ে  
যা ।

প্রফুল্ল

কেন ? ভোরেই চলে ষাব কেন ?

সর্দার

উষারা তোদিগে নাই চাহিছে ।

প্রফুল্ল

চায়না !

মহিম

আমাদের চায়না !

অমরেশ

কেন চায়না বল ত সর্দার ?

সর্দার

তোরা হামাদিগের সব খারাবি করিস্ ।

প্রফুল্ল

আমরা যে তোমাদেরই ভালো করতে এসেছি ।

সর্দার

নাই ভালো করিয়েছিস্ হে ! তোরা হামাদের  
বেইজ্জৎ করতে আসেঁ ছিস্ ।

প্রফুল্ল

সে কি সর্দার ! এ-কথা তোমাদের কে  
বোঝালে ?

শুজাতা

নিজেদের ভালো-মন্দও তোমরা বোবানা ?

[ সন্দার তাহার দিকে কিছুকাল চাহিয়া থাকিয়া  
জিজ্ঞাসা করিল ।

সন্দার

তুই বুঝিস্ ?.

শুজাতা

তোমার কি মনে হয় ?

সন্দার

কিছু নাই বুঝিস্ । যদি বুঝতিস্, তবে জুয়ান বিটি  
তুই ইঠিনে নাই আসতিস্ ।

শুজাতা

ইডিয়ট !

প্রফুল্ল

কিন্ত আমরা যে তোমাদের বে-ইজৎ করিছি, তা  
তোমাদের কে বোঝালে ?

সন্দার

করিস্ নাই ! ই ত্থাখ তো !

[ গামছার কোণের গেরো খুলিয়া খবরের কাগজের  
একটা টুকরো বাহির করিয়া দেখাইল ।  
প্রফুল্ল তাহা হাতে লইল । সকলে আসিয়া  
প্রফুল্লর চারিপাশে দাঢ়াইল ।

ପ୍ରଫୁଲ୍ଲ

ଏ ତ ସୁଧିଯାର ଛବି । ଆମରାଇ ପାଠିଯେଛିଲୁଗ ।

ସନ୍ଦାର

ତାଥେଇତ ସୁଧିଯାର ପୁରୁଷଟା ରାଗ କରଲୋ !

ପ୍ରଫୁଲ୍ଲ

କେନ ? ଓତେ ତ କିଛୁ ଅନ୍ୟାଯ କାଜ କରା ହସନି ।

ମହିମ

ସୁଧିଯା ଯା କରେ, ତା ଯେ ଲଜ୍ଜାର କାଜ ନୟ, ତାଇ  
ଆମରା ବୋବାତେ ଚାଇ ।

ସନ୍ଦାର

ତୋଦେର ମୟଳା ଉୟାରା ମାଥାଯ ନିଯେ ଫେଲାଇ  
ଦେଇ, ତାଇ ଉୟାତେ ଲଜ୍ଜା ନାହି, ବଟେ ? ଜାନିସ ଉ କାମ  
କରତେ ସୁଧିଯା ସରମେ ମରେ ସାଧ । କିନ୍ତୁ କି କରବେକ ।  
ପେଟ ନାହି ଚଲେ, ତାଇ ମୂଡ ନାମାଇ ବେଚାରା ଉ କାଜଟା  
କରେ ।

ଅମରେଶ

ଓଦେର ମର୍ଯ୍ୟାଦା-ବୋଧଇ ତ ଆମରା ଜାଗାତେ ଚାଇ ।

ସନ୍ଦାର

ମର୍ଯ୍ୟାଦା ! ମର୍ଯ୍ୟାଦା କାଥେ ବଲେ ଆଗେ ବୁଝାୟେ ଦେ ତ ।

ପ୍ରଫୁଲ୍ଲ

ଓଦେର ଓପର ସେ କାଜେର ଭାର ପଡ଼େଚେ, ତାତେ ସେ  
. ଲଜ୍ଜା ନେଇ—ଏହ ଜାନକେଇ ବଲେ ମର୍ଯ୍ୟାଦାଜାନ ।

সর্দার

উ কাজের ভার উয়াদের উপর কে দিলেক ?

মহিম

ভগবান !

সর্দার

কে ?

মহিম

ভগবান ।

সর্দার

ভগবান তোদের মাহুষ করেঁচে, ওদেরও মাহুষ  
করেঁচে । তোরা এমন কি হলি যে, তোদের ষয়লা  
উয়াদের ফেলতে হবে ? তোরা বুঝাতে আসেঁচিস  
যে উয়ারা ছুট, ছুটই থাকুক—ছুট হবার সরম যেন  
উয়াদের নাই আসে । সরমটি আইলেয় উয়ারা বড়  
হোঁয়েও ধাতে পারে । ই কেমন কথা বটে !  
এথাকে আসিয়ে তোরা এই খারাবি করেঁচিস ।  
উয়ারা কিন্তু তোদিগে সেটি করতে নাই দিবেক ।

প্রফুল্ল

কিন্তু সর্দার, ভুল বুঝে তোমরা আমাদের ওপর রাগ  
করচ ।

সর্দার

ইয়াতে আর ভুল-টুল কিছু নাই আছে ।

অমরেশ

তুমিই ভেবে দেখ সর্দার, ময়লা কাউকে-না-কাউকে  
ফেলতেই হবে।

সর্দার

মাঝুষের ময়লা মাঝুষ কেন ফেলবেক হে ! উঘাদের  
ময়লা তোদিগে ফেলতে হচ্ছে নাই, তোদেরটা উঘারা  
কেন ফেলবেক ? বল ! জবাব দে !

মহিম

কেউ না ফেলে চলবে কেন ?

সর্দার

তোদের কইকাতায় শুনছি না কি চলে। এইঠিনে  
সেটি পারিস্ত কর—না পারিস্ত চলে যা। লাজের  
কাম যে লোক করে, উঘাদিগে নিলাজ হত্তে শিঁধায়ে  
লাজ তার বাঢ়ায়ে দিস্না। কালই এঠিন হতে  
চলে যা।

প্রফুল্ল

কিন্তু সর্দার, আমরা ত তোমাদেরই দুখ দূর  
করতে এসেচি।

সর্দার

আমাদের দুখ তোরা কি বুবিবি ? ওই কুঁড়া  
ঘরে শূঘরের সঙ্গে, কুকুরের সঙ্গে শঁয়োথাকি। গাজরের  
দিনে, শীত্যের দিনে ষে দুখ হামরা পাই, সে তোরা

কি বুৰবি? আঁধাড়ি মাটি চাস কৱে ষা ধান হয়,  
তাই বিচে, মহাজনের টাকা দিয়ে, জমিদারের ধাজনা  
দিয়ে, ছেলেগুলোকে এক সাঁজস্য থাওয়াইয়ে দিন  
গুজরাণ কৱত্যে যে দুখ হামরা পাই—সে তোৱা  
কি বুৰবি।

মহিম

বুৰি, সদ্বার, বুৰি।

সদ্বার

মিছা কথা কেনে বলিস্ হে? তোৱা নাই বুৰিস্।  
পাঁচ বছৱ আগে পঞ্চামাবি পাঁচটি টাকা কঙ্গা নিয়েছিল,  
আৱ মহাজন ছ'কুড়ি দশ টাকাৰ দাবিতে লেলিস কৱলে।  
পঞ্চা সহৱেৱ উকিল বাবুদেৱ ঘৰে ঘৰে যায়ে হাথে পায়ে  
ধৱলো তাৱ তৱফ মামলা চালাতে। পঞ্চা গুৱিব, টাকা  
দিতে নাই পারলেক—উয়াৱি লেগে তাৱ মামলাটি কেউ  
নাই কৱলেক। উয়াৱ জমিটুকু গেল। পঞ্চাৰ দুখ  
ষদি উকিলৱা বুৰথ, তবে উয়াকে আজ ইষ্টিশানে যায়ে  
মাধাৱ মোট বহে পেট চালাইতে নাই হ'থ। ওই হাক  
মাবি! উয়াৱ বছটিৰ বেৱাম হইল, ডাঙ্কাৱকে টাকা  
দিতে নাই পারলে, ডাঙ্কাৱ আইল না। বছটি গেল  
মুৱিয়ে। ডাঙ্কাৱ উয়াৱ দুখটি বুৰলে? রতন মাবিৰ  
নামে মিছা মকদ্দমা কৱলেয়। কে জানে, উয়াদেৱ উকিল  
কি বুললে, নাই বুললে, হাকিয কি বুৰলে, দিয়ে দিলে,

ହୁବର୍ଦ୍ର ଫାଟକ । ରତନେର ବୁଢ଼ୀ ମା ଖେତେ ନା ପେଯେ କେଂଦ୍ରେ  
କେଂଦ୍ରେ ଘରିଯେ ଗେଲ । ହାକିମ ଉୟାଦେର ହୁଥଟି ବୁଝଲେ ?  
ଏଇ ରକମ କତ ଶୁଣବି ! ହାମାଦେର ହୁଥ ତୋରା କି  
ବୁଝବି ହେ ?

ଅମରେଶ

ଆମରା ତାହଲେ ଏସେଛି କେନ ?

ସନ୍ଦାର

ତୋମରା ଚୋଥେ ଦେଖିତେ ପାଞ୍ଚନା ଓଂରା କି କରେନ ?

ଶୁଜାତା

ତୋମରା ଚୋଥେ ଦେଖିତେ ପାଞ୍ଚନା ଓଂରା କି କରେନ ?

ସନ୍ଦାର

ସେତ' ଦେଖିଯେଇ । ପଥ ବାଡୁ ଦେଇ, ଚରଥା କାଥେ  
ଲିଯେ ଘୁରେ ଫିରେ, ମଦ ଖେତେ ବାରଣ କରେ, ଆର ବଲେ  
ଲିଖାପଡ଼ା ଶିଖାବେକ୍ । ଉହାତେ କି ହବେ ହେ ?

ଶୁଜାତା

ହୟନା ? ପରିଷାର ପରିଚଳନ ଧାକବାର ଇଚ୍ଛେ ଜାଗେନା ?  
ମଦ ଖେଯେ ନିଜେଦେର ସେ ସର୍ବନାଶ କର, ତାର ଦିକେ ଦୃଷ୍ଟି  
ପଡ଼େନା ?

ସନ୍ଦାର

ହୁବୁ ରେ ! କି ବୁଲଛିସ୍ ଛେଲିଯା ମାନୁଷେର ମତୋ !  
ମନ ହଲିଇ କି ପରିଷାର ହୟ ? ତୋର ମତ କ୍ଷାର କରା  
କାପଡ଼ ସବ ହାମରା କୋନ୍ଠିଲେ ପାବ ? ବଛରେ ଛଟାର

বেশী কাপড় হামাদের নেই থাকে। একটা কিনি,  
দিনে পরি, রেতে পরি, কালো হয়ে যায় তবুও পরি,  
ছিঁড়ে যায় গিরা দিয়া পরি, আর যখন একেবারে  
নাই চলে, তখন দোসরাটা পরি। পরিষ্কার থাকব  
কেমন করিয়ে সেটা বল্। হামাদের ঘর ত দেখিস্  
নাই। এক কোণে শূয়ুর থাকে, কুকুর থাকে, মুরগী  
থাকে, আর এক কোণে ছেইলা-পুলী লিয়ে থাকি  
হামরা। পরিষ্কার কেমনে থাকব্য, বল্? আর মদ?  
কত মনের ছথে হামরা মদ থাই, সেটি তোরা নাই  
বুবিবি। এইটি থাইলে একেবারে নিভাবনা ঘুমিয়ে থাই।

### সুজাতা

না, না, তোমরা যে এমন করে মরবে, তা আমরা  
হতে দেবনা।

### অমরেশ

জাতির মেল্লদণ্ড তোমরা।

### নলিনী

সেবা করে শ্ব-বুদ্ধি দিয়ে তোমাদের আমরা খংসের  
পথ থেকে ফেরাব।

### সন্দীর

গাছের গোড়াতে কঢ়লটি মারলি, এখন জল ঢালিয়ে  
কি হবে হে? তোরা ঘরকে ঘুরিয়ে থা।

অমরেশ

ষদি না ষাই ?

সন্দীর

উয়ারা চুপ করবে নাই ।

মহিম

ওদের ভয়ে আমরা পালাব ?

প্রফুল্ল

আমরা সেবা-ব্রত গ্রহণ করেছি, তা উদ্ঘাপিত হওয়া  
চাই ।

সুজাতা

জেলের ভয় আমাদের নেই ।

নিদিনী

অনশনেও আমরা ভয় পাইনা ।

সন্দীর

বল, আরোও কি বুলবি, বল ।

অমরেশ

আবার কি বলব, আমাদের শেষ কথা আমরা  
যাবনা ।

সন্দীর

তবে হামাদের শেষ কথাটাও ওইগে লে !

সুজাতা

তুমি কেন? তুমি কেন বল? তুমি ত হরিজন

ନେ, ହୁଥିଯା ତ ତୋମାର ଜାତେର ଲୋକ ନୟ । ସାଦେହ  
କଥା ତାରାଇ ବଲୁକ ।

ସନ୍ଦାର

ହାମି ସତକଣ ଆଛି ଉସାରା ନାହିଁ ବଲବେ । ହାମି  
ଉସାଦେହଙ୍କ ସନ୍ଦାର ।

ନନ୍ଦିନୀ

ତୋମାର ସନ୍ଦାରି ଆମରା ସିଇବନା ।

ସନ୍ଦାର

ତୋରା ବିଟିଛେଲ୍ୟା, ହାମାର ନାତିନ୍‌ଦିଗେର ହତେ  
ତୋଦେର ବୟସ କମ । ତୋଦେର ମତ ବିଟିଛେଲ୍ୟାର ସାଥେ  
ହାମି ତକ୍ରାର କରି ନା । ଏବାରେ ତୋରା ଶୁଣ । ରେତ  
ତୋର ହବାର ବାଦେ ତୋରା ଏଇଠିନେ ଥାକତେ ପାବି ନାହିଁ ।

ଅମରେଶ

ଆମରା ଥାକବ, ଯାବନା ।

ସନ୍ଦାର

ତବେ ଉସାରା ଯା ଜାନେ, ତାଇ କରବେକୁ ।

ଅମରେଶ

କି ଜାନେ ଓରା, କି କରବେ ଓରା ?

ସନ୍ଦାର

ଉସାଦେହ ହାଥେ ଥାକେ ଲାଠି, ଆର କାଢ଼େ ଥାକେ  
କ୍ଳାଡ ବାଶ ।

অমৰেশ

আমাদেরও ঘরে আছে বন্ধুক আৱ তাতে আছে  
টোটা ।

প্ৰফুল্ল

আঃ ! অমৰেশ !

[সৰ্দার হিৰ নেত্ৰে অমৰেশেৰ দিকে চাহিবা  
ৱহিল। তাৱপৰ দুয়াৱেৱ দিকে অগ্ৰসৱ হইল।  
সহসা থামিল। আবাৰ ফিৰিবা আসিবা কহিল।

সৰ্দার

হাথে যদি তোদেৱ হাথিয়াৰ থাকে আৱ বুকে থাকে  
জোৱ, তবে তাৱই জোৱে পাৰিস্ ত থাকিস্ ।

প্ৰফুল্ল

সৰ্দার, ওৱ কথা ছেড়ে দাও। তুমি শোন।

সৰ্দার

আৱ নাই গুণবো হে ! ওই একই কথা। রেত  
ভোৱ হ্বাৱ বাদে তোৱা এইঠিনে থাকতে নাই পাৰি।  
এইটই হামাৱ শেষ কথা। তোৱা নিজেৱা সলা-পৱাৰ্মণ  
কৰু। হামি বাহৰে থাকলাম। পৱে আসবে।

[সৰ্দার বাহিৱে গেল। প্ৰফুল্ল, মহিম, অমৰেশ,  
নিশানাথ, শুজাতা, নলিনী এক জাৰুগাৰ এক  
কোণে দাঢ়াইল।

প্ৰফুল্ল

এখন ?

অমরেশ

বন্ধালীকে ডাকব প্রফুল্লদা ?

নন্দিনী

ওদের কথামত যাওয়া হবে ঠিক সেই রকম যাওয়া,  
বিশবছর আগে বহু-বাবুদের জুতো খেয়ে ঘেমন করে  
এই ষষ্ঠি থেকে ওরা চলে গিয়েছিল ।

নিশানাথ

শুধু এই তফাঁ যে, ওরা জুতো খেয়েছিল ওদের  
জমিদারের—আর আমরা খেলুম ওদের ।

সুজাতা

অথচ মজা এই যে, ওদের কাঙুরই জুতো নেই ।

মহিম

আমার মনে হয় আপদৰ্শ হিসেবে আমাদের ভৃত  
আপাতত ত্যাগ করাই উচিত ।

অমরেশ

ইং, সেবা করবার আগ্রহ থাকা সত্ত্বেও সেবা  
করতে না পারায় যে ট্র্যাজেডি রয়েচে, দেশের লোকদের  
তাই বুঝিয়ে দেওয়াই হবে এখন আমাদের কাজ ।

নন্দিনী

দয়ালবাবু ঠিক কথাই বলেচেন, ওদের চোখ-রাঙানি  
আমাদের সওয়া উচিত নয় ।

অমরেশ

দয়ালবাবুর দৱদ কত ! বক্সদের এই বিপদের মাঝে  
ফেলে রেখে দিব্যি সরে পড়েচেন ।

মহিম

তাহলে কি কৱা যায়, প্রফুল্ল ?

প্রফুল্ল

বনমালীকে ডাক । জিনিষ-পত্তরগুলো বেঁধে ফেলুক ।

মহিম

কিঞ্চ টেঁচিয়ে ডাকলে ওরা যদি সন্দেহ করে ?

প্রফুল্ল

না মহিম, টেঁচিয়োনা—আমার ভালো লাগেনা ।

[ প্রফুল্ল একথানি আসনে বসিয়া পড়িল ।

মহিম

আচ্ছা, আমি দেখে আসছি ।

[ মহিম পাশের ঘরে গেল ।

নিশানাথ

দয়ালদার কি হবে প্রফুল্ল ? সে ত এখনও ফিরল  
না !

নন্দিনী

এই অপমান নিয়ে ফিরে যাবার চাইতে ওদের  
. তীর খেয়ে মরাও শ্রেয়ঃ ।

সুজাতা

‘সে মরণ স্বরগ সমান !’

[ মহিম ব্যস্ত হইয়া প্রবেশ করিল ]

মহিম

তাই প্রফুল্ল, বনমালী নেই, নৌকর্গ নেই, তাদের  
কাপড়-চোপড় নেই, বাঞ্চ-বিছানা নেই, কিছু নেই !  
উধাও !

সুজাতা

ডেজাটাস, কাউয়ার্ডস্ ।

অমরেশ

দ্বালদার দলভূক্ত হয়েচে ।

মহিম

দ্বালদারই চাকর ওরা । তার সঙ্গেই এসেছিল, তার  
সঙ্গেই গেছে ।

নন্দিনী

কিছি বাইরে ওরা অমন চুপ করে রয়েচে কেন ?

সুজাতা

এমন চুপ করে ওরা থাকে কেন ?

নন্দিনী

ওরা কি মাঝুষ নয়, পাথরের মূর্তি ?

সুজাতা

ওদের দিকে আমি আর চাহিতে পারচি না ।

নিলী

আমাৰ খাস ফেলতেও সাহস হচ্ছে না ।

হজাতা

প্ৰফুল্লবাৰু !

নিলী

অমন চুপ কৱে থাকবেননা, প্ৰফুল্লবাৰু !

নিশানাথ

ভাই প্ৰফুল্ল, সময় থাকতে রিট্ৰিট্ কৱা জেনারেলদেৱ  
পক্ষে অগোৱবেৱ কাজ নয় ।

অমৱেশ

টাইম ইজ্ প্ৰেসাস্, প্ৰফুল্লদা ।

মহিম

আদেশ দাও প্ৰফুল্ল !

প্ৰফুল্ল

বেশ সৰ্দিৱকে ডাক !

[ প্ৰফুল্ল উঠিয়া দাঢ়াইল । মহিম দুয়াৱেৱ কাছে গেল ।

মহিম

সৰ্দিৱ, শোন

[ সৰ্দিৱ প্ৰবেশ কৱিল ]

সৰ্দিৱ

এবাৰ তোৱা শুন । অ্যাকটি কড়হাবে উয়াৱা  
তোদেৱগে এই ঠিনে থাকতে দিতে পাৱে ।

সৰ্ব শোনাও, সর্দার

সর্দার

তোৱা যদি এই বাড়ীটা ছাড়ে হামাদের কুঁড়া ঘৰে  
যাইয়ে থাকতে পাৰিস্।

অমৱেশ

তোমাদের শূঘোৱেৱ সঙ্গে, কুকুৱেৱ সঙ্গে, মুগীৰ সঙ্গে ?

সর্দার

সব কথা শুন ! হামাদের কুঁড়ায় থাকবি, হামাদের  
মত খাবি, হামাদের মত পৱবি। পাৰিস্ ত বল।  
আৱ না হলে মালগুলো বাঁধিয়ে লে। তোদেৱগে  
ইষ্টিশনে দিয়ে আসি।

প্ৰফুল্ল

মহিম ?

মহিম

আমি পাৱব না, প্ৰফুল্ল !

অমৱেশ

আমি বিছানা বাঁধতে চলুম, প্ৰফুল্লদা !

[ অমৱেশ পাশেৱ ঘৰে চলিয়া গেল

সৰ্দিাৱ

তোৱা তবে ঠিক-ঠাক্ কৱিয়ে লে, হাম বাহারে  
থাকলাম্ ।

[ সৰ্দিাৱ বাহিৰে গেল ।

প্ৰফুল্ল

মহিম, ফাইল-টাইলগুলো ঠিক কৱে নাও ।

[ মহিম তাহাই কৱিতে লাগিল ।

হৃজাতা

এত বড় অপমানেৰ বোৱা নিয়ে যে ঘেতে হবে, তা  
ভাৰিনি, প্ৰফুল্ল বাৰু ।

নিশানাথ

আপনাদেৱ ঝুটকেস, বিছানা আমি নিয়ে আসি ।

[ নিশানাথও পাশেৰ ঘৰে চলিয়া গেল ।

প্ৰফুল্ল

দয়ালদা যে এখনো এলো না ?

মহিম

সে আৱ আসচে না

প্ৰফুল্ল

ট্ৰেণভাড়াৱ টাকা যে নিতে হবে তাৱ কাছ থেকে ।

মহিম

তাৱ বাজ্জ ভাঙব ।

অমরেশ

( পাশের ঘর হইতে ) আগুন ! আগুন !

সুজাতা

আগুনে পুড়িয়ে মারবে নাকি !

[ অমরেশ ছুটিয়া প্রবেশ করিল ]

নিশানাথ

[ পাশের ঘর হইতে

আগুন ! আগুন !

মহিম

কোথায়, কোথায়, অমরেশ ?

[ নিশানাথ ছুটিয়া প্রবেশ করিল ]

প্রফুল্ল

কোথায়, কোথায়, নিশানাথ ?

অমরেশ

দূরে ! ওই সাঁওতাল-পল্লীতে ।

[ বাহিরের লোকগুলি চীৎকার করিয়া উঠিল—  
আগ্ৰে, আগ্ৰে ! ]

নিশানাথ

ওরে ! মূর্দের দল, দেশ-মাতৃকার রোষ-বহি !

অমরেশ

তোদের কাঙ্গ নিষ্ঠার নেই ।

[ আগ্ৰে, আগ্ৰে ! বলিতে বলিতে বাহিরের লোকগুলি  
ছুটিয়া চলিয়া গেল ।

ওই দেখুন শুজাতাদেবী, আকাশ-প্রাঞ্চর লাল হঁরে  
উঠেছে ।

নিশানাথ  
ষেন নব-শূর্যোদয় !

শুজাতা  
সব পুড়ে যাবে !

অমরেশ  
পুড়বে না ! সবাই মিলে দল বেঁধে এসেছিল আমাদের  
শাসন করতে ।

মহিম  
হত্তুম করেছিল, রাত ভোর হবার আগে এই ঘর  
ছেড়ে আমাদের চলে যেতে হবে ।

নিশানাথ  
ভোর হবার সঙ্গে সঙ্গেই বাছারা বুর্জতে পারবেন,  
ঘর বলে কোন বস্তুই তাদের নেই ।

অমরেশ  
মায়ের সেবক আমরা, আমাদের অপমান !

নিশানাথ  
তাইত পড়ল ওদের কুঁড়েয় বিধাতার বাজ ।

অমরেশ  
জলে উঠল দিকে দিকে মাতৃ-রোষ-বহি ।

মহিম

অবিধানী দয়ালদা !

অমরেশ

শেষ পর্যন্ত অপেক্ষা না করে পালিয়ে গেল !

নিশানাথ

প্রফুল্ল, ডাই, কথা কইচ না কেন ?

প্রফুল্ল

তবুও আমাদের ঘেতে হবে ।

[ দয়াল প্রবেশ করিল । তাহার মৃত্তি ভীষণ ।

দয়াল

ষাবার জন্ত তোমরা তৈরি হও, প্রফুল্ল ।

মহিম

তোমার হয়েচে কি দয়ালদা ? পা দিয়ে রক্ত ঝরচে  
কেন ?

দয়াল

কুকুরে কামড়ে দিয়েচে ।

প্রফুল্ল

বল কি ! কুকুরে কামড়ালে ! কোথায় ?

দয়াল

ওই সাঁওতালদের পাড়ায় ।

মহিম

সেখানে কেন গিয়েছিলে ?

দয়াল

ঘর জালিয়ে দিয়ে এলুম।

প্রফুল্ল

তুমি !

দয়াল

ই, আমি। ওদের চোথরাঙানিও আমি সইব!

সুজাতা

যাদের সেবা করতে এলেন, তাদের দিলেন এমি  
নির্মম শাস্তি !

দয়াল

ই, ই, সুজাতাদেবী, এই শাস্তি ওদের প্রাপ্য।  
আপনারা জিনিষপত্র গুছিয়ে নিন। ভোর হবার আগেই  
চলে যেতে হবে।

অমরেশ

দেখচেন কি, এখনি হাইড্রোফোবিয়া হবে।

দয়াল

হলে তুমি হয়ত খুসী হতে। কিন্তু তা হবে না।

প্রফুল্ল

মহিম মেডিসিন-চেষ্টা—দয়ালদাকে আগে দেখো।

দয়াল

কিছু দরকার নেই, প্রফুল্ল। এই পাতা এনেছি,  
সাঁওতালদের ওষুধ। বেঁটে বেঁধে দিলেই চলবে।

নলিনী

দিন আমি বেঁটে আনচি ।

দয়াল

না, না, আপনাকে আর কষ্ট করতে হবে না ।  
বনমালী !

মহিম

বনমালী পালিয়েছে !

দয়াল

নীলকণ্ঠ !

প্রফুল্ল

সেও পালিয়েছে !

নলিনী

দিন না আমাকে ।

[ পাতা লইয়া পাশের ঘরে অবেশ করিল ।

দয়াল

তোমরা তৈরি হয়ে নাও প্রফুল্ল, ভোরেই চলে যেতে  
হবে ।

প্রফুল্ল

ই, এরপর ত আর ধাকা যায় না ।

অমরেশ

তুমি আমাদের দলভূক্ত । একথা ভাবতেও আমাদের  
লজ্জা হয় !

## দয়াল

লজ্জা ষথন বেশী হবে, তখন একধাটাও যনে  
করো যে ওদের ঘর ঘদি জালিয়ে না দিতুম, তাহলে  
তোমাদের যা অবস্থা আজ হোতো, তার লজ্জা অপরের  
দোষ দিয়ে ঢাকবার স্বয়োগ পেতে না ।

[ নন্দিনী ফিরিয়া আসিল, হাতে তাহার উষধ ও  
একবাটা জল ।

## নন্দিনী

এই যে এনেছি । দেখি, কোথায় কামড়েছে ।

## দয়াল

না, না, আপনি কেন ?

## নন্দিনী

আমাদেরই ত কাজ দয়ালবাবু ।

[ দয়াল আর কোন কথা কহিল না । নন্দিনী  
দয়ালের পায়ের কাছে বসিল । মুখ তুলিয়া  
প্রকৃত্তির দিকে চাহিল ।

একটু তুলো আর ব্যাণ্ডেজ পেলে ভালো হোত ।

## মহিম

সব আছে নন্দিনী দেবী । এই দিচ্ছি ।

[ একটি ব্যাগ খুলিয়া তুলো আর ব্যাণ্ডেজ দিল ।  
নন্দিনী তুলো ভিজাইয়া দয়ালের পায়ের জমাট-  
বাঁধা বস্তুধারা মুছাইয়া দিতে লাগিল ।

শুজাতা

দেখো নলিনী !

নলিনী

না, ব্যথা দোবনা ।

শুজাতা

তা যে দেবেনা, তা জানি—নিজেই ব্যথাতুরা !  
কিন্তু একথা কি একবারও ভাবলে যে, কার সেবা  
তুমি করচ ?

নলিনী

কার ?

শুজাতা

যার মুখ দেখাও পাপ ।

নলিনী

কেন ?

শুজাতা

হরিজনদের গৃহ-হারা করেছেন বলে ।

সত্য দয়ালদা, এ ক্ষোভ আমাদের থেকেই যাবে যে,  
আমাদেরই একজনের হাতে দেওয়া আগুন, তাদেরই  
সর্বিচ্ছান্ত করল, যাদের সেবা করা ধর্ম বলেই আমরা  
গ্রহণ করেছিলুম ।

### দয়াল

জান প্রফুল্ল, অঙ্ককারে বারান্দার পাশের ছেটু  
ঘরটিতে আত্ম-গোপন করে আমি সর্দার আর তার  
লোকদের সব কথা শুনলুম। ওদের ওই স্পর্ধার  
পরিচয় পেয়ে আমার ধূমনীর রক্ত—পিতা-পিতামহের  
কাছ থেকে পাওয়া রক্ত—গরম হয়ে উঠল, টগবগ  
করে ফুটতে লাগল। আমার মনে হোল এবং  
স্পর্ধার পরিচয়ে ঝাঁড়া বাড়ীঘর জালিয়ে দিতেন,  
লেঠেল লাগিয়ে বেশ করে পিটিয়ে দিতেন, সব  
শায়েষ্ঠা হয়ে যেতো। মনে হোল ওর চেয়ে সোজা  
পথ আর নেই।

[ নব্লিনী ব্যাণ্ডেজ বাঁধা শেষ করিবা উঠিবা দাঢ়াইল।

### স্বজ্ঞাতা

এখনো কেমন করে জলচে !

### দয়াল

সামান্ত কথানা কুঁড়ে কতটুকুকাল আর জলবে,  
এখুনি ছাই হয়ে যাবে, স্বজ্ঞাতা দেবী।

### স্বজ্ঞাতা

আপনারই কৌর্তি !

### দয়াল

ই, স্বজ্ঞাতা দেবী, আমারই কৌর্তি ! যদি সম্ভবপর

হোত, তাহলে সমগ্র বাংলাদেশে আমি অঞ্চ করে  
আগুন জালিয়ে দিতুম !

অমরেশ

দেখছেন কি প্রফুল্লসা, এখনি তেড়ে কামড়াতে  
আসবে !

দয়াল

পল্লী, নগর, প্রাসাদ, কুটীর সব পুড়িয়ে দিতুম আর  
তার সঙ্গে সঙ্গে পুড়ে ধেতো শতাব্দীর জমে ওঠা যত সব  
আবর্জনা, অযোগ্যের স্পর্শা, অক্ষমের আক্ষালন, জড়ের  
নীচাশয়তা—সব, সব, সব সুজাতা দেবৌ !

অমরেশ

প্রফুল্লসা, এইবার জিনিষপত্র গুছিয়ে নি ।

প্রফুল্ল

তাই কর, মহিম ।

[ অমরেশ, নিশানাথ, সুজাতা দ্বিতীয়ে চলিয়া গেল ।

দয়াল

মাহুষকে যে-ঘরে শুঁয়োরের সঙ্গে, কুকুরের সঙ্গে একত্র  
বাস করতে হয়, সেই ঘরের প্রতি মাহুষের মাঝা ! অমাহু-  
ষিকতার সে যে কত বড় পরিচয়, তা তোমরা কেউ  
বুঝলে না !

মহিম

গো-বৎসের কষ্ট হচ্ছে দেখে ইন্ডেকসান করে তাকে ।

মেরে কেলা আৱ অস্থান্তকৰ জৌৰ কুটীৱে বাস কৱিবাৱ  
হংথ ধেকে মাছুৰকে মুক্তি দেবাৱ জন্তু তাদেৱ ঘৰ পুড়িয়ে  
দেওৱা একই রকম সদাশয়তা, দয়ালদা ।

### দয়াল

বল, বল মহিম, দুই-ই এক রকমেৱ সদাশয়তা । বল,  
পিজুৱাপোল প্ৰতিষ্ঠা কৱে গো-জাতি রক্ষা কৱা আৱ  
অসম অৰ্থনৈতিক ব্যবস্থাৱ ভিতৱ দিয়ে ছোটকে বড়  
কৱে তোলা একই রকম হাস্তকৰ প্ৰয়াস । বল, আমি  
একটু সাব্বনা পাই । আমাৱ তাৱই প্ৰয়োজন ।

### প্ৰফুল্ল

তুমি কি আমাৱেৰ এতই ছেলেমাছুৰ মনে কৱ  
দয়ালদা, যে, অৰ্থহীন কতগুলো কথা শুনিয়ে বুৰিয়ে  
দেবে যে, ওদেৱ ওই ঘৰ জালিয়ে তুমি অন্তায় কিছুই  
কৱনি !

### দয়াল

অৰ্থহীন ! এই বুদ্ধি নিয়ে দেশ-সেবায় আত্মনিয়োগ  
কৱেচ ! বুকে হাত দিয়ে বলত প্ৰফুল্ল, বলত নিশানাথ,  
ওদেৱ ওই ছৰ্দশাৱ জন্তু দায়ী কে ? কে ওদেৱ  
মুখেৱ গ্রাস কেড়ে নেয় ? কাৱ সৰ্বগ্ৰাসী দাবী মেটাৱাৱ  
জন্তে ওদেৱকে ওই হীন জীবন যাপন কৱতে হয় ?

### মহিম

কাৱ ?

## দয়াল

তোমার আমার মতে শিক্ষিতদেরই নাবী পূর্ণ  
করবার জন্যে। হরিজন ত হীনজন ছিলনা। কে  
ওদের হীন করেচে? আমরা। বিশ্বাস কর মহিম,  
আমরা আর আমাদের সামাজিক অর্থনৈতিক ব্যবস্থা।  
আমাদের প্রয়োজন পূর্ণ করতে কল-কারখানা, ব্যবসা-  
বাণিজ্য, জমিদারি-জোতদারির ভিতর দিয়ে প্রতিদিন  
আমরা হরিজন স্থষ্টি করছি। এই স্থষ্টির ধারা রোধ  
করতে না পারলে হরিজন হীনজনই থেকে যাবে,  
জনগণ হবেনা। এও যদি অর্থহীন বলে মনে কর,  
তাহলে দেশ-সেবার স্পর্কা ত্যাগ করে তোমাদের  
আপিসে আদালতে ফিরে যাও।

## নন্দিনী

আশুন নিতে আসচে।

## প্রফুল্ল

ওদের কোলাহলও থেমে গেছে।

## দয়াল

শুধু আজকার মতোই নয় প্রফুল্ল, দীর্ঘকালের মতোই  
ওরা হয়ে রইল মৃক, মৌন, কলরববিহীন!

## প্রফুল্ল

তোমার পূর্বপুরুষরা এই বিশ্বাস নিয়েই পীড়ন  
করতেন।

দয়াল

গুনলে ত, বিশবছৰ আগে বহু-বাবুদের দরোয়ানৱা  
ওদের যে জুতো মেরেছিল, তাৰই কথা স্মৰণ কৱে  
আজও এই বাড়ীৰ সামনে ওৱা মাথা তুলে দাঢ়াতে  
পাৱেন। আৱ এখুনি হয়ত দেখতে পাৰে, চোখ  
লাল কৱে কাল যাবা এসেছিল তোমাদেৱ শাসন  
কৱতে, সজল চোখে আজ তাৰাই আবাৱ আসবে  
তোমাদেৱ কুলণাৰ দানে বেঁচে থাকবাৰ প্ৰাৰ্থনা নিয়ে।

মহিম

সে-দৈন্ত দেখবাৰ মতো নিৰ্মিতা আমাদেৱ নেই।

দয়াল

সেই অন্ধাই ত বলচি, জিনিষপত্ৰ তাড়াতাড়ি গুছিয়ে  
নাও।

[ অমৱেশ একটা বেড়িং আৱ একটা স্বট্কেস আনিবা  
ফেলিল।

বন্মালী নেই, নীলকণ্ঠ নেই, সবই নিজেদেৱ  
কৱতে হবে।

অমৱেশ

আপনি ভাববেন না প্ৰফুল্লদা, আমি সব ঠিক কৱে  
ফেলচি।

[ অমৱেশ পাশেৱ ঘৰে গৈল।

মহিম

এ-দিকটা ত একরকম হয়ে গেল। রাজ্যাঘরের  
জিনিষ-পত্র গুলোর কি হবে? ও-সব ত নেওয়া  
যাবেনা।

দয়াল

ষা এখানে থাকবে তাই নষ্ট হবে।

প্রফুল্ল

তোমারই দেওয়া টাকায় কেনা।

দয়াল

আমারই সেই টাকা প্রফুল্ল, ষা ঘর জালিয়ে  
দেবার প্রবৃত্তির সঙ্গে সঙ্গে উত্তরাধিকার শুভ্রে পূর্ব-  
পুরুষদের কাছ থেকে আমি পেয়েছিলুম। শুতরাং  
ও-গুলি আর নিয়ে যেয়ো না।

[নিশানাথ আর অমরেশ আরো স্টকেস আর বেড়িং  
আনিয়া রাখিল।

অমরেশ

মহিমদা, আপনি এদিকে আসুন।

মহিম

চল ভাই, তোমাদের দুজনার বড় কষ্ট হচ্ছে।

[মহিম, নিশানাথ, অমরেশ পাশের ঘরে গেল।  
সুজাতা ফিরিয়া আসিল—যে বেশে আসিয়াছিল  
সেই বেশে।

সুজাতা

তুমি যে বসে রইলে, নন্দিনী ?

নন্দিনী

আমার হাত-পা যেন আড়ষ্ট হয়ে গেছে ।

সুজাতা

তুমি কি ভাবচ, ওরা জানবে না যে, দয়ালবাবু ওদের  
ঘর পুড়িয়ে দিয়েছেন ? আর তাই জেনে ওরা প্রতিশোধ  
নেবার জন্যে আমাদেরও পুড়িয়ে ফেলতে ছুটে আসবে  
না ? দয়ালবাবুর এই ঝুকীর্ণি জানাজানি হবার আগেই  
আমাদের তাই চলে যেতে হবে ওদের নামালের বাইরে ।

দয়াল

নন্দিনী দেবী, আপনি তৈরি হয়ে নিন् ।

[ নন্দিনী উঠিয়া গেল । সুজাতা বসিল ।

সুজাতা

আগুন নিতে গেছে ।

প্রফুল্ল

তোরও হয়ে আসচে !

[ মহিম প্রবেশ করিল, ছ'হাতে ছটো স্টকেস ।

মহিম

এই তোমার স্টকেস দয়ালদা, টাকা-পয়সা সব  
এতেই আছে ।

প্রফুল্ল

ট্রেণ-ভাড়ার টাকা বার করে রাখতে হবে ।

[ দয়াল চাবি ফেলিয়া দিল ।

দয়াল

ষা দরকার বার করে নাও । কিন্তু একটু চেপে থরচ  
কোরো প্রফুল্ল । টাকার আমার দরকার আছে ।

প্রফুল্ল

দয়ালদা, মনে করো না তোমার দেওয়া টাকা আমরা  
অপব্যয় করচি ।

মহিম

পাইটি অবধি থাতায় লেখা আছে, দেখতে চাও,  
দেখাতে পারি ।

দয়াল

কেন বাজে বকচো, মহিম ! ষা না হ'লে চলবে না,  
তাই নাও, বাকীটা রেখে দাও । আমার জঙ্গিরি দরকার ।

মহিম

তোমার মেজাজ যে এখনো গরম রয়েচে !

দয়াল

ই মহিম, আমার রক্ত এখনও ঝুটচে ।

[ নিশানাথ এবং অমরেশ আরো স্টকেস এবং বেড়ি  
লাইয়া আসিল । প্রফুল্ল দয়ালের স্টকেস  
খুলিয়া টাকা গণিয়া দেখিল ।

প্রফুল্ল

সব সমেত ছ'শ টাকা আছে দয়ালদা।

দয়াল

একশ বার করে নাও।

প্রফুল্ল

তাতেই হবে। বাকীটা ?

দয়াল

আমাকে দাও।

[ প্রফুল্ল টাকা গণিয়া লইয়া বাকীটা মহিমকে দিল।  
জানো প্রফুল্ল, এও ঘর-জালানো টাকা।

মহিম

তোর হয়ে গেছে।

নিশানাথ

আর দেরী করা ঠিক নয়।

সুজাতা

নন্দিনী ! নন্দিনী যে এখনো এলো না !

অমরেশ

আমি দেখছি।

[ অমরেশ পাশের ঘরে গেল।

নিশানাথ

ওহে প্রফুল্ল, তারা আসচে !

প্রকৃতি

কারা ?

নিশানাথ

সর্দার আর তার লোকরা ।

মহিম

দেখচ কি দয়ালদা, তোমারই জন্ত আজ আমাদের  
প্রাণ ঘায় ।

দয়াল

কিছু ভেবো না, মহিম । ওরা আসচে প্রাণ নিতে  
নয়, ওদের প্রাণ বাঁচাবার জন্তে দয়া ভিক্ষা করতে ।

[ নলিনী আর অমরেশ প্রবেশ করিল । নলিনীর  
সেই বেশ ধাহা পরিয়া সে আসিয়াছিল । সর্দার  
হৃদ্বারের কাছে আসিয়া দাঢ়াইল, লোকগুলো  
বাহান্দার বসিয়া পড়িল । সকলেরই বেন  
মেহুদণ্ড ভাঙিয়া গিয়াছে ।

সর্দার

তোরা যেছিস ?

প্রকৃতি

ই, তোমরা যখন আমাদের চাও না ।

সর্দার

নাই যাস হে !

মহিম

কেন, যত বদলালে কেন ?

সৰ্দার

তোৱা যদি আজ চলিয়ে যাবি, তবে উয়াৱা কিছু  
খাইতে নাই পাৰে ।

অমৱেশ

কেন? আমৱা যে তোমাদেৱ অনিষ্ট কৱি !

[ সৰ্দার কোন কথা কহিল না ।

মহিম

আমৱা তোমাদেৱ বে-ইজৎ কৱি !

[ সৰ্দার তবুও নীৱৰ গহিল ।

দয়াল

নিশানাধ বল, বলুন হৃজাতা দেবী । বাগে পেয়েচেন  
ওনিয়ে দিন ছ'কথা ! কাল ওৱা এসেছিল চোখ রাঙিয়ে  
শাসন কৱতে, আজ এসেচে সজল চোখে আপনাদেৱ  
কুকুণা ডিক্ষা কৱতে । দিন ওনিয়ে !

হৃজাতা

ই, শোনাৰ কথা আছে, দয়ালবাৰু ! যাবাৰ সময়  
ওদেৱ ওনিয়ে ষেতে হবে, কে ওদেৱ এ সৰ্বনাশ কৱেচে ।

নলিনী

না, না, হৃজাতা !

হৃজাতা

ইস্ বজ্জ যে দৱদ ! সৰ্দার, শোন...

প্রফুল্ল

না, না, স্বজ্ঞাতা দেবী !

স্বজ্ঞাতা

আমাকে অন্ত্যায় অহুরোধ করবেন না, প্রফুল্লবাবু ।  
সর্দীর, তোমাদের ঘর পুড়িয়ে দিলে কে জান ?

সর্দীর

হামার একটা পাগলী বিটি আছে । ওই জালিয়ে  
দিয়েছে । উয়ার লেগে আমাকে সবাই ধরল উয়াদের  
ঘরটি যেমন ছিল তেমনি করিয়ে দিতে হবে ।

দয়াল

কেন ? তুমি সবার ঘর তৈরি করে দেবে কেন ?

সর্দীর

হামার বিটি ষে জালিয়ে দিলে হে !

দয়াল

ও ! অমিদার যদি পুড়িয়ে দিত, ওরা কি করত ?

সর্দীর

কাঁদাকাটি করথ, বুঙাবুঙির কাছে মাথা ঠুকথ ।

দয়াল

ওদের বল, ঘর তোমার যেয়ে পোড়ায়নি ; পুড়িয়েছি  
আমি —আমি, তোমাদের নতুন মনিব !

সর্দীর

তুমি !

দয়াল

ই, আমি—তোমাদের নতুন মনিব ।

সর্দার

ই মৌজা তুই দিয়েছিস ?

দয়াল

কাল খবর পেয়েচি যে লেখা-পড়া হয়ে গেছে ।

তাইত তোমাদের ঘর পুড়িয়ে পুণ্যাহ করলুম । নেবে  
প্রতিশোধ ? কে নিতে চায় এগিয়ে আসতে বল । বল  
ওদের, ঘর আমি পুড়িয়ে দিয়েছি—আমি, ওদের নতুন  
মনিব ।

সর্দার

আরে আয়, সব জলদি আয়, দেখ হামাদের নয়া  
মনিব ঘর পোড়ায়ে দিয়ে কালকার কস্তুরের সাজা  
দিয়েছে । আয়, আয়, জহর কর, জহর কর ।

[কেহ প্রণাম করিল না ।

দয়াল

পায়ের ধূলো ওরা নিতে পারচে না, সর্দার—ঘর  
পোড়বার ব্যথা ওরা ভুলতে পারচে না ।

সর্দার

কালই এসব খবর জানথাম তবে ই জুলুমটি না  
করতাম । বুঙাবুঙির লোক আসিয়েছে, হামরা উষাদের  
অপমান করিয়েছি, তাই সাজাও পেয়েছি ।

দয়াল

সন্দিগ্ধ, তোমার লোকজন দিয়ে এই-সব মাল-পত্র  
ষেশনে দিয়ে আসতে পারবে ?

সন্দিগ্ধ

ই, পারবো নাই ?

দয়াল

এই বাড়ীর সব কথানা ইট খুলে গুড়িয়ে ফেলতে  
পারবে ?

সন্দিগ্ধ

তুই কি বলছিস্ হজুর !

দয়াল

তালুকের সঙ্গে এ বাড়ীও যে আমার অধিকারে  
এসেছে ।

সন্দিগ্ধ

বাড়ী ভাঙতে চাহিস্ কেনে ?

দয়াল

জুতোর ব্যথা যাতে তোরা ভুলতে পারিস্ তারই  
জন্মে । এ-বাড়ীর চিহ্নও আমি রাখব না । রাখলে ওই  
জুতো মারবার প্রয়ুক্তি আবার একদিন মাথা চাড়া দিয়ে  
উঠবে । আমি তা হতে দোব না । জান প্রকৃতি, জান  
মহিম, বাস করবার জন্ম এ বাড়ী নয়—এ হচ্ছে দস্তের,  
স্পন্দিগ, পীড়নের বিজয়স্তুতি । ওরে, এই বাড়ীতে দাঢ়িয়ে

কাল তোদের অভিষ্ঠোগ শুনেছিলুম বলেই ত জঙ্গায়  
সকলে হুয়ে পড়িনি—পারিনি তোদের সন্ত প্রার্থনায়  
সাম্য দিয়ে বলতে যে, ই, তোদের সেবা করতে হলে,  
তোদেরই বেশ পরতে হবে, তোদেরই সঙ্গে তোদেরই  
কুঁড়েয়ে বাস করতে হবে; এই বাড়ীর নীচে দাঢ়িয়ে  
শুনেছিলুম বলেই প্রফুল্ল, কাল শুদ্ধের অস্তরের বেদনা-  
প্রকাশকে ওহ্ন্ত্য বলে মনে করে ঘৰ আলিয়ে দিতে  
ছুটেছিলুম। তাই এই বাড়ী ভাঙ্গতে হবে, ধূলোর সঙ্গে  
মিলিয়ে দিতে হবে !

সর্দার

আৱ হামাদেৱ ওই পোড়া ঘৰ ! বন্তী !

দয়াল

ওই গায় ? ওই গায়-ও নতুন করে গড়তে হবে।  
তোমাদেৱ নতুন মৰ্নিব যে তোমাদেৱ সঙ্গে ওইথেনেই  
বাস কৱবে সর্দার ! আমৱা সবাই মিলে ওই পল্লীকে  
দেবস্থানেৱ মত শুন্দৰ করে তুলব, পবিত্ৰ করে রাখব  
—যাতে করে পায়ে পায়ে হেঁটে এসে মা-লক্ষ্মী এই গায়েই  
অচলা হয়ে থাকেন। জানলে সর্দার, বুঝলে ?

সর্দার

তোকে জহুৰ কৱি ছজুৱ, তোকে জহুৰ কৱি !

[ সর্দার এবং তাহাৱ দেখাদেখি তাহাৱ দলেৱ সকলে  
দয়ালকে প্ৰণাম কৱিল।

অমরেশ

এবং আমিও দয়ালদা।

[ পারেৱ ধূলা লইল ।

মহিম

অমরেশ, তুমি বড় চপল, চঞ্চল, চটুল !

অমরেশ

ঠিক ধৰেছেন মহিমদা, চপল বলেই ত অটল হয়ে  
ভুলেৱ বোৰা বইতে পাৱলুম না । আৱ চঞ্চল এবং চটুল  
বলেই দয়ালদাৰ চৱণতলে লুটিয়ে পড়ে নিজেকে ধন্ত মনে  
কৱলুম । যদি পাৱতেন মহিমদা, তাহলে ব্যৰ্থ প্ৰয়াসেৱ  
ব্যথা নিয়ে ফিৱে যেতে হোত না ।

দয়াল

আৱ দেৱী কৱলে ট্ৰেণ ধৱতে পাৱবে না, প্ৰফুল্ল ।

মহিম

আমৱা যদি না যাই ।

নিশানাথ

জমিদাৰ বাবু তাহলে প্ৰজা লেলিয়ে দেবেন ।

হৃজাতা

উনি তা পাৱেন ।

দয়াল

তবুও যদি তোমৱা থাকতে চাও, প্ৰফুল্ল—থাক । শুধু  
মনে রেখো, থাকতে হবে ওদেৱ ওই পোড়া ভিটেয় ।

কেননা আজই আমি লোক পাঠিয়ে করলার খনি থেকে  
ডাইনামাইট আনিয়ে এই বাড়ী উড়িয়ে দোব !

প্রফুল্ল

আমাদের কাজ ফুরিয়ে গেছে । আমরা চলেই যাচ্ছি,  
দয়ালদা !

[ প্রফুল্ল একটা স্নটকেস তুলিল ।

দয়াল

আমি ও-সব লোক দিয়ে পাঠিয়ে দিচ্ছি, প্রফুল ।

সুজাতা

নন্দিনী ওঠ ।

নন্দিনী

আমি যাব না সুজাতা—অবশ্য দয়ালবাবু যদি থাকতে  
অহমতি দেন ।

দয়াল

আপনি এখানে থাকতে চান ?

নন্দিনী

যদি আপনার অমত না থাকে ।

দয়াল

কেন থাকতে চান ?

নন্দিনী

যে-কাজ করব বলে এসেছিলুম, তাই করতে ।

দয়াল

ওই হরিজন-পন্থীতে গিয়ে থাকতে পারবেন ?

নন্দিনী

আপনি যদি পারেন, আমিই-বা কেন পারব না ?

স্বজ্ঞাতা

কিন্তু লোকে কি বলবে নন্দিনী ?

নন্দিনী

এখন যা বলচে তাই বলবে, না-হয় একটু রং চড়িয়ে  
দেবে !

স্বজ্ঞাতা

তোমার মা-বাপ নেই ; কিন্তু আত্মীয় স্বজ্ঞনরা কি  
বলবেন ?

নন্দিনী

এখনো তাঁরা কত-কিছু বলচেন ।

মহিম

চলুন, স্বজ্ঞাতা দেবী । পুরুষদের মাঝে যেমন দয়াল  
আছে, নারীর মাঝেও তেমনি নন্দিনী থাকবে । পুরুষের  
কলঙ্ক এই দয়ালদা আর নারীর কলঙ্ক ওই নন্দিনী !  
চল প্রফুল্লদা ।

অমরেশ

চলুন, চলুন মহিমা, আপনাদের ট্রেনে তুলে দিয়ে  
আসি।

[ একে একে সকলে বাহিরের দিকে অগ্রসর হইল।

দয়াল

ছমাস পরে যদি সময় করতে পার, তাহলে দয়া করে  
তোমরা আর-একবার এসো। হরিজনদের সেবা করতে  
নয়, তাদের অতিথি হয়ে তাদেরই সেবা গ্রহণ করতে।

[ তাহারা বাহিরে চলিয়া গেল। সর্বারের নির্দেশে  
লোকজনরা জিনিষ-পত্র বাহির করিতে  
লাগিল। দয়াল ধীরে ধীরে নদিনীর  
কাছে গিয়া দাঢ়াইল। তাহার মুখের দিকে স্থির  
সৃষ্টিতে চাহিয়া রহিল।

দয়াল

আপনি কেন গেলেন না?

[ নদিনী তাহার দিকে চাহিল। কিন্তু কোন কথা  
কহিল না।

এখানে থেকে আমার কাঁধে আপনি কত বড়  
দায়িত্বের বোৰা চাপিয়া দিলেন!

নদিনী

এইজন্তুই দিলুম যে আমি স্থির জানি সে-ভার  
বইবার শক্তি আপনার আছে।

[ দয়াল কিছুকাল নীরব রহিল, তারপর কহিল।

দয়াল

কিন্তু একটি কথা নিশ্চিতই আপনার মনে হয়নি।  
মনে কখনো হয়নি যে, আমার দিক থেকে এমন  
দাবীও কোনদিন উপস্থিত হতে পারে, যার জন্য  
আপনাকে শুধু সহকর্মীরূপে পেয়েই আমি তৃষ্ণ ধাকব  
না, সহকর্মীরূপেও পেতে চাইব।

[ নব্লিনী বিশ্ব-বিশ্বারিত নম্বনে তাহার দিকে চাহিয়া  
রহিল। তাহার দিকে একচুকাল চাহিয়া  
ধাকিয়া দয়াল জিজ্ঞাসা করিল।

তখন, নব্লিনী দেবী, তখন ?

নব্লিনী

তখন ?

[ কিছুকাল হিন্দুদ্বিতীয়ে দয়ালের দিকে চাহিয়া রহিল।  
তারপর মৃদু হাসিয়া কহিল।

তখনো গোল কিছু হবে না, দয়ালবাবু।

দয়াল

হবে না ?

নব্লিনী

না। তখনো অতি সহজেই এ-কথা বলতে পারব যে,  
আপনার দাবীই আমার কাছে বড় কথা নয়, বড় কথা  
আমার সম্মতি।

দয়াল

নিজের শক্তি সংযোগে এতটা নিশ্চিত আপনি !

ନନ୍ଦିନୀ

ନଈଲେ ଆଜିଇ କି ଏଥାନେ ଥାକତେ ପାରତୁମ,  
ଦୟାଳବାବୁ ? ସନ୍ଦେହ କିଛୁ ଥାକଲେ ତ ଓଦେର ସନ୍ଦେହ ଚଲେ  
ଯେତେ ହୋତ ! ବଡ଼ ବିଶ୍ଵିତ ହଲେନ ଦେଖିଛି ।

ଦୟାଳ

ଅସ୍ତ୍ରୀକାର କରବ ନା, ବିଶ୍ଵିତଙ୍କ ହେଁଚି, ନନ୍ଦିନୀ ଦେବୀ ।

[ ଦୟାଳ ଅଞ୍ଜଳିକେ ମୁଖ ଫିରାଇଲ ।

ନନ୍ଦିନୀ

ଆଶ୍ରମ୍ !

[ ଦୟାଳ ଦ୍ରଢ଼ ଘୁରିଯା ଦୀଡାଇଲ ।

ଦୟାଳ

ଆଶ୍ରମ୍ ?

ନନ୍ଦିନୀ

ଆଶ୍ରମ୍ ପୁନଃରେ ମନ । କିଛୁତେଇ ଭାବତେ ପାରେ ନା  
ସତିଇ ଆମରା ଅବଳା ନଈ, ଶକ୍ତି ଆମାଦେରେ ଥାକତେ  
ପାରେ । ଦୟାଳବାବୁ, ଏହି ଜେନେଇ ଆପନି ନିଶ୍ଚିନ୍ତ ଥାକୁନ  
ସେ, ଆପନାକେ ଗ୍ରହଣ ବା ପ୍ରତ୍ୟାଧାନ କରିବାର ଶକ୍ତି ଆଜିଓ  
ଆମାର ସେମନ ରଯେଚେ, ଚିରଦିନଇ ତେଣୁ ତା ଥାକବେ ।  
ଆର ତା ଥାକବେ ବଲେଇ ସେମନ ଆପନାର ଦିକ ଥେବେ ମୁଖ  
ଫିରିବେଓ ନିତେ ପାରିବ, ତେଣୁ ପ୍ରଯୋଜନ ବୋଧ କରିଲେ  
ବଲାତେଓ ପାରିବ, ଏହି ସେବାକାର୍ଯ୍ୟ ସାକ୍ଷେତ୍କ ସହାୟତା କରେଚ,

তাকে সকল রূকমে ঘোগ্য করে নিয়ে একজ ধর্মাচরণের  
অধিকার দিয়ে ধন্ত কর ।

দয়াল

নব্দিনী দেবী !

[ নব্দিনীর দিকে অগ্রসর হইল ।

নব্দিনী

এ-কথা আজকার নয়, দয়াল বাবু ।

[ দয়াল হির হইয়া দাঢ়াইয়া নব্দিনীর মুখের দিকে  
চাহিয়া রহিল ।

আজকার দিনে আমি শুধু কাজের কথাই শুনতে  
চাই ।

দয়াল

তাহলে শুন, নব্দিনী দেবী । কাজ করব বলেই  
এখানে এসেছিলুম । কিন্তু সঙ্গে যাদের নিয়ে এলুম,  
তাদের সহদেশ সম্বন্ধে দু'দিনেই সন্দিহান হয়ে উঠলুম ।  
দেখলুম ডেমোক্রেশাকে ওরা জিভের ডগাতেই নাচিয়ে  
আনন্দ পায়, শ্রদ্ধার সিংহাসনে বসাতে চায়না ।  
ওদেরই মতো হয়ে ওদের মনের ভাবটি বেশ ভালো  
করে জেনে নিলুম । তারপর জানেনত, আমি জমিদারের  
ছেলে, বংশানুক্রমে Benevolent Despotism-এর  
প্রতি আস্থাবান । ওদের ডেমোক্র্যাটিক কলোনি যে  
কিছুই নয়, তা বুঝতে পেরেই তালুকটা আমি কিনে

ফেলুম। তখন অবশ্য ওই হরিজন আৱ সাঁওতালদেৱ  
হিত কৱবাৱ ইচ্ছেই ছিল।

নবিনী

এখন ?

দয়াল

এখনও আছে। কিন্তু আমাৰ ভিতৱ্বেৱ ষে-জমিদাৰ  
প্ৰিবল হয়ে উঠে ঘৰ পুড়িয়ে দিতে ছুটে গিয়েছিল,  
সে-জমিদাৰ ওদেৱ ওই কুড়ে ঘৰেৱ সঙ্গে সঙ্গেই পুড়ে  
ভস্ম হয়ে গেছে, নবিনী দেৰী। আজি আপনাৰ সামনে  
ষে দাঢ়িয়ে রায়েচে, সে আৱ জমিদাৰ নয়—ওদেৱই  
মত একজন সাধাৰণ মাহুষ।

নবিনী

একথা আমাকে শোনাবাৱ দৱকাৱ নেই, দয়ালবাবু।  
জমিদাৱেৱ জোৱেৱ ভৱসা কৱে আমি এখানে আসিনি।

[ অমৱেশ প্ৰবেশ কৱিল ]

অমৱেশ

মহিমদা আমাকে ছেশনেও সঙ্গে যেতে দিলেন না।

দয়াল

কেন অমৱেশ ?

অমৱেশ

কি জানি, বোধ হয়, চপল, চঞ্চল, চটুল বলে !

## দয়াল

তাহলে চল ভাই, চলুন নব্দিনী দেবী, চলুন  
সর্বহারাদের ওই শুশানে, আমাদের নব-জীবনের  
কর্মক্ষেত্রে, ধর্মক্ষেত্রে।

[ সকলে বারান্দায় নামিয়া গেল। একটি সাঁওতাল  
যুবক একটা জানালা দিয়া মুখ বাড়াইয়া দেখিল।  
দয়াল প্রভৃতি উত্তানে নামিয়া গেল। সাঁওতাল  
যুবক ঘরের ভিতর লাকাইয়া পড়িল। দেখিতে  
পাইল দয়াল প্রভৃতি উত্তানের ভিতর দিয়া  
ষাইতেছে। সে ধনুকে তীর যোজনা করিল।  
দয়াল প্রভৃতি তখন উত্তানে নামিয়া গিয়াছে।  
সাঁওতাল যুবকটি তখন শরত্যাগ করিল।  
দয়ালের আর্তনাদ শোনা গেল। বাহিরে  
লোকজন কোলাহল করিয়া উঠিল। সাঁওতাল  
যুবক উৎসুক হইয়া পুনরায় শরষোজনা  
করিল। আর একটি যুবক প্রবেশ করিয়া  
তাহার ধনুক টানিয়া লইতে উঠত হইল।

### প্রথম যুবক

ছাড়া দে। সব কটারে শেষ কর্ণ্যা দি।

### বিতীয় যুবক

মায়া ছেলেরে মারবিক তুই !

### প্রথম যুবক

মায়াছেলে আবার কেটা আছে রে ! ওটাও মরদ !

### বিতীয় যুবক

গায়ের মালিককে তুই মারলি ?

প্রথম ঘূর্বক

আমাদের ঘর পোড়াঝোঁ দিলে কেনে ? আমাদের  
বাবু বানাইতে আইল কেনে ?

[ কোলাহল করিতে করিতে বহুলোক বারান্দার উঠিয়া  
আসিল ।

দ্বিতীয় ঘূর্বক

পলায়ঁঝা যা রে, পলায়ঁঝা যা । ওরা ইঠিনে আসিছে ।

প্রথম ঘূর্বক

আশুক ! চুরি করি নাই যে পলাবো ।

[ সর্দিয়ার এবং অমরেশ দয়ালকে জইয়া প্রবেশ করিল ।  
পিছনে নব্দিনী । তারও পিছনে জনকত  
সাঁওতাল এবং হরিজন । দয়ালের বাম বাহুতে  
তীর বিধিয়াছে । রক্তে জামা এবং কাপড়েরও  
খানিকটা লাল হইয়া গিয়াছে । দয়ালকে  
একখানি আসনে বসানো হইল ।

নব্দিনী

তীরের ফলাটা টেনে বার করে দিন, অমরেশবাবু ।

অমরেশ

অপারেশন না করে ত ও তীর বার করা যাবেনা ।

নব্দিনী

তোমাদের দেশে ডাক্তার নেই সর্দিয়া ?

অমরেশ

শহরে আছে যা ।

নন্দিনী

তাহলে শহরেই লোক পাঠাও, না-হয় তুমিই যাও  
সর্দার ! দেরী কোরোনা !

দয়াল

ডাঙ্গারের সাধ্য নেই নন্দিনী দেবী যে আমাকে আর  
বাঁচিবে রাখে। বিষের কাজ স্ফুর হয়েচে...আমি বেশ  
বুঝতে পারচি।

নন্দিনী

বিষ !

দয়াল

তৌরের মাথায় ওরা বিষ মাথিয়ে রাখে...বড় ভয়ানক  
বিষ ! না সর্দার ?

[সর্দার কোন কথা কহিল না। মাথা নীচু করিল।

নন্দিনী

আপনাকে এখুনি আমি কলকাতায় নিয়ে যাব।  
অমরেশ বাবু, দেখুন না ট্রেন কখন ? কত শিগ্ৰী  
কলকাতায় পৌছানো যায়।

দয়াল

অত উত্তলা হবেন না, নন্দিনী দেবী। আমার  
সামনে বস্তু অমরেশ। সর্দার, তোমরাও  
এস।

ନନ୍ଦିନୀ

ନା, ନା, ଦୟାଲବାବୁ, ଓହ କୃତମୁଦେର କାହେଉ ଡାକବେଳ  
ନା ।

ଦୟାଲ

ଓରା କୃତମୁ ନମ୍ବ ।

ନନ୍ଦିନୀ

ଆପଣି ବୁଝତେ ପାରଚେନ ନା । ଓରା ଏକ ଭୀଷଣ  
ଷଫ୍ଟ୍‌ସଫ୍ଟ୍ କରେଚେ । ନଈଲେ ସବାଇ ଚୁପ କରେ ଦୀଡ଼ିଯେ ଆଛେ,  
ଏ-କାଜ ଯେ କରଲ, ତାକେ ଏଥନ୍ତି କେଉ ଧରେ ଆନଛେ ନା  
କେନ ?

ଦୟାଲ

ଧରେ ଆନତେ କେନ ହବେ ନନ୍ଦିନୀ ଦେବୀ, ସେ ସେ ବୀର  
ଫାଲ୍ଗନୀର ମତୋଇ ଅଟିଲ କର୍ତ୍ତବ୍ୟବୋଧ ନିଯେ ସବାର ସାମନେଇ  
ଓହ ଦୀଡ଼ିଯେ ରହେଚେ । ଏ ଦିକେ ଏମତ ତାଇ ।

[ ହାତ ତୁଳିଯା ଯୁବକକେ ଡାକିଲ । ଯୁବକ ସପ୍ରତିତ  
ଭାବେ ତାହାର ସମ୍ମୁଖେ ଆସିଯା ଦୀଡ଼ାଇଲ ।

ଆମି ଜାନି ତୁମି ଅପରାଧୀ ନାହିଁ ।

[ ଯୁବକ ଏଇବାର ମାଥା ନୀଚୁ କରିଲ ।

ଅମରେଶ

ଅପରାଧୀ ନମ୍ବ ?

ଦୟାଲ

ନା ଅମରେଶ, ଅପରାଧୀ ନମ୍ବ । ଏତଦିନ ଧରେ ଏମନ

অবিচার আমরা করে এসেছি যে, আজ তখু মুখের কথা  
ওনে ওরা আমাদের বিশ্বাস করতে পারে না ।

সদ্বার

আমরা তোকে বিশ্বাস করি দেবতা ।

দয়াল

আর তা করোনা সদ্বার । আমাদের দিয়ে তোমাদের  
কোন উপকার হবে না । আমাদের উপর নির্ভর কোরো  
না ।

সদ্বার

তবে হামারদের কি হবেক দেবতা ?

দয়াল

তোমাদের যে বাঁচিয়ে রাখবে, বড় করে তুলবে, সে  
তোমাদের দলেই দেখা দেবে । চোখে ভাল দেখতে  
পাচ্ছিনে, অমরেশ । আমাকে ওই জানালার কাছে নিয়ে  
যাবে অমরেশ ? আমার শস্য-শামলা মাঘের মৃত্তিধানি  
শেষবার আমি দেখে নিতে চাই ।

অমরেশ

দয়ালদা !

নন্দিনী

দেবতা !

[ দয়াল ধীরে ধীরে নন্দিনীর দিকে মুখ করিল ।

### দম্বাল

দেবতা !...না নিনী দেবী...দেবতা নই...অসহায়  
এক মাতৃব। অমরেশ, সর্দার, আমার দেহ তোমরা দাহ  
কোরোনা।

[ নিনী ডুকুরাইয়া কাদিয়া উঠিল।

কতটুকু কালের পরিচয় নিনী দেবী ?...অমরেশ,  
ওই শাল-মহায়ার ছায়ায়, আমার দেশের মাটির বুকে,  
তোমরা আমার সমাধি দিয়ো। অঙ্গের প্রতি অগু-পরমাণু  
আমার ঘেন এই মাটিতেই মিশে থাকে।

### অমরেশ

আপনার এই কাজের বোৰা কার কাঁধে তুলে দিয়ে  
যাচ্ছেন, দম্বালদা।

### দম্বাল

ওই ওদের। তোমরা ফিরে যাও।

[ হই হাত হইদিকে বাড়াইয়া নিনী এবং  
অমরেশকে জড়াইয়া ধরিল।

ফিরে যাও ভাই, ফিরে যাও দেবী, অনুকল্পার  
আবেগ দিয়ে, কঙ্গার বারি বর্ষণে পতিতের পরিজ্ঞান  
হয়না। তাতে গণদেবতা অপমানিত হন, কুকু হন,  
প্রতিশোধ নেবার জন্ত দিকে দিকে প্রলয়ের আশন  
জেলে তোলেন ! ..

[ দম্বালের সমস্ত শরীর শক্ত হইয়া উঠিল।  
একটুখানি উঠিয়া দম্বাল সামনে ঢলিয়া পড়িল।

অমুরেশ

দম্বালদা

[ দম্বালের কোলের উপর ঝাঁপাইয়া পড়িল ।

নমিনী

দেবতা !

[ দম্বালের পায়ের তলে মাথা রাখিল । সাঁওতাল এবং  
হরিজনরা শোকস্থচক শব্দ করিতে লাগিল ।  
ধীরে ধীরে ঘবনিকা পড়িল ।